

序

脩輯  
查錄

例言

人名

目錄

卷首上

舊

序例

居第  
~~委~~

卷首中

誥勅

諭祭文

卷首下

像贊

傳狀表記




003037



同治癸酉年


毛氏族譜

永思堂印





餘姚風山毛氏族譜序



出吾邑迎恩門迤西北行五里而近  
有峰聳然傑出於羣山之上者曰風  
山兩山東西峙東峰尤高斗入雲際  
城中人常視峰顛雲霧以驗晴雨其  
下地皆膏壤冬稼夏穡桑麻被野有

竹林果蓏羸蛤之饒其南則菁澗環  
焉朝朝夕汐溝澮脈連環山而居者  
常數十百家其俗大較好稼穡惡衣  
食以致畜臧秀而良者皆能好學上  
禮義重廉恥蓋其風使然也然惟毛  
氏為尤著毛氏世居陳留有諱度者

自宋靖康時以侍御史彈劾秦檜謫  
餘姚縣丞始家於縣西鄧巷口三傳  
而析居一徙杭渡一徙風山是為遷  
居風山之始其後杭渡子姓好漁獵  
居鄧巷口者亦漸於城市之習惟風  
山諸子彬彬然讀書好禮猶守先家

風潭州守諱公者遂謀於杭渡鄧巷  
口之族而盡從焉嘗曰晝則田器滿  
目夜則誦聲沸耳我子孫畊讀於斯  
勉守先業不亦可乎宋元以來中更  
變故其子孫蔓延他邑或居金華或  
居蕭山或居通州紹郡惟居風山者

閱歲八百閱世三十猶歸然為吾姚  
舊族其尤顯者為忠襄公吉而羣從  
子孫若傑若憲若科若實若紹元愷  
元類能以文學顯達有聞於世謝文  
正至謂有明吾姚科第盛一門以毛  
氏稱首其他名德代有其人至於今




罔替蓋君子之居必擇鄉而後能庇  
其後人也如此譜創于五世孫宗翰  
林院檢討鐸補於其子潭州守公成  
於潭州之孫忠明成化丙午十三世  
孫漢萬歷丁未十八世孫秉光修之  
國朝則二十二世孫廷枋于道光丁

酉鳩族衆而增輯焉三年始成而先  
祖海昌公為之序又三十四年為今  
同治癸酉二十三世孫鼎炎與其族  
琴臺子齡沛如蔭森庶風一鳴粹然  
又修之沛如搃其成第列風山本支  
舉凡四明三衢雙河之毛概未暇及

其體例初自舊譜守而不廢是始克  
遵檢討潭州兩公之彝訓而世守其  
業者與他日有修吾姚士族志者過  
風山而問焉其必於斯譜徵之矣是  
歲十二月朔  
賜進士出身侍讀銜翰林院編修

國史館纂修功臣館纂修本衙門撰  
文同治丁卯科順天鄉試同考官庚  
午科山東鄉試正考官朱道然拜序

平條山東嶺居五言官米與冠其衣  
 文同欲下明條即天嶺為同者官家  
 國文繪景新以五言畫景亦本海門



續修譜序

蓋聞氏族譜牒閱世宜修誠恐年遠人繁難於查輯  
我豐山毛氏族譜由宋而明前賢遞相修續敬讀舊  
序炳若日星國朝自道光戊戌己亥年閔宗長從  
堂叔德樹公創議率理甫怡之雄飛函山肯堂諸先  
達修輯迄今已一世有餘歲矣矧辛酉壬戌粵匪滋  
擾我族數十邨居神堂大半無存子姓更多散處兼  
查舊譜大率殘缺不全當此而不修將老成凋謝聞  
見日非遲之又久有難於查輯者已余忝居宗長愧  
乏才能幸族內予齡字夢九沛如字月川一鳴字景

山粹然字詠齡有志於斯去年春借琴臺字鳴軒蔭  
 森字桂津元文字繪祥顯治字佐平懋賢字蓮峯一  
 來字錫如諸君商於余余不勝忻喜遂擇吉集議酌  
 定規模命夢九等採訪查錄尅期修輯現將告竣爰  
 弁數言以誌緣起云爾繪遊矣陝辛酉壬戌春開  
 同治十二年歲在癸酉中秋月望日 爾山肯堂翁  
 京秋 啓 日 星 國 際 自 二 十 三 世 孫 鼎 炎 謹 識  
 壽 豐 山 子 凡 秋 翰 由 宋 而 即 前 賢 妙 林 妙 際 妙 齋  
 蓋 聞 凡 秋 翰 關 世 宜 妙 齋 平 嶽 人 繁 曠 妙 查 神  
 難 妙 齋 京

一 例言  
一 舊譜所載原序續序并居第源委等文溯我宗所由  
來明我族所由衍故備錄之用示弗忘也

一 譜前首列制誥勅命諭章崇

寵錫也其先後以時代年月爲定繼列像贊傳狀表記景

徽光也其先後以祖孫世次爲定

一 各譜中

恩榮有志薦辟有志科第宦達有志名賢節孝有志文藝  
一方伎田賦貨殖有志坊表建置住址邱墓皆有志以  
及內而閨德外而姻戚甥壻莫不有志今一切分載



本傳下不復總志尙簡約免鋪張也

一南宋以前追敘忠三公孝一公附記孝二公誠七公  
恩榮推始祖之所自出以旁及其叔與兄也先自一世至  
一十世繪圖列傳以誠十公固爲姚邑始祖也又自八  
世至十二世繪圖列傳以季八公更爲豐山始祖也  
竇十三世以下各支繪圖列傳多者分之少者合之中  
一縫皆註房分村居則以子姓實繁便於稽查也圖以  
五世更提傳以每世直接蓋參用歐陽氏暨

宣聖孔氏譜式

一顧周山不冒野王狄武襄不附梁國論者以爲高是

譜惟由本支上承下繫猶此意也

一凡譜皆編行次原所以辨尊卑序長幼也我毛氏譜久不修村自爲行家自爲次甚至無行無次一村一家之中有尊卑同名者有長幼亡等者况復支分派別欲避此則犯彼欲避彼則犯此而問年幾何無論旣往卽存活諸人或經商殊方或僑寓異地尚未能周咨遍悉將使合族判然有辨秩然有序不綦難哉以故今番修譜仍憑其各自爲之若同名亡等之失本屬易曉抑又有譜可考當益知所忌諱云

一家乘與國史異所謂事君有犯而無隱事親有隱而

無犯也。且春秋責賢者，備何嘗不爲尊者諱爲親者諱乎？一族中男子不無刑傷過犯，婦人不無被出改醮已故者，更不必論矣。現在者要當許其自新，聽其自便。至於娼優隸卒行旣衆，著可不容書竊盜奸淫迹，多未彰尤不忍書。而紳衿已革者不書妾媵已遣者不書，各如並無其事。惟男子充軍往某省某處則書之，婦人攜子適某鄉某姓則書之外。此而寄養某家贅居某氏，遂爲人後者，罪坐不孝亦必書之。皆欲使其日後來歸有證，非得已耳。

一 排行下歿者書諱存者書名，略爲區分，非有異義。其

無排行者爲諱爲各混列莫辨但觀曾書卒葬與否  
而存歿自見

一死者雖隔絕多有神主可查生者雖闊疎或有親房  
可認乃查神主并奉祀者之名字而惘然認親房卽  
就近者之輩分而昧然是則圖傳中初無位置安頓  
也不得不闕之故願共諒之

一或乃祖乃父僅脫數代原係真支嫡派用空口以承  
接之倘本身以上皆屬杳茫而惟某房有着幾世無  
差者姑附錄於本房並世之後以俟詳考

一兄弟數人後有似續未知出自伯氏出自仲氏者上

用並列下用總承不敢妄爲偏屬也

一人壽不齊凡長殤中殤下殤無服之殤悉於其父名下書某早卒其或年壯且老終身無配亦於其父名下書某不娶至若行詣可傳及功名有得或已聘妻或未聘妻而早世者必爲提頭另書此卽魯人勿殤童汪錡之義也第仍不立繼而已

一本人出外流寓卽行與各諱僅存亦另爲表明意在聯宗收族有待於將來也其他行與各諱外或字或生辰惟查之一無可查者始從早卒不娶之例於其父名下書某無查

一長房無子次房獨子謹遵

國朝兼祧例於兩房下比肩並書另擇承祧者聽不願承

祧者亦聽

一出繼入繼俱於本生及所繼之下具書明白重宗祧

也世俗每有以養子售子及外甥內姪等過繼爲嗣

者遲之又久子若孫旣不令其歸宗必致任其冒姓

後人不察展閱譜牒反疑前人爲遺漏而竟爲增輯

補入者有矣茲故表而出之不使一時混過

一旣爲夫婦縱苟合不成婚禮但入門無呂秦之嫌居

室無牛晉之恥亦書其所生以骨血自真也止於婦

氏上空一娶字以別之獨亂倫傷化者不在此例

一節婦年逾五旬例得請

旌亦可立傳丈夫子生前則除本等職銜外不贅一辭俟

蓋棺論定也

一古云蓋棺論定彰已然從來稱立德立功立言自堪不朽修此三者談何容易尋常安分克己創業幹事勸善和衆原非無美可稱而以此稱局內人之祖若父則疑於比所私以此稱局外人之祖若父則隣於阿所好近百年來未經前賢所稱美姑置之不論已也惟男婦行孝守節一道於名教風化有關最爲難

能可貴雖小必錄

一每處將支傳鈔分有能自相接續并及旁近房數無

煩公局人往查者另錄其名不沒其功也

一霽陽公譜與用周公譜有不同者從霽陽公不從用

一周公以一則爲已成之書一則爲未成之書也他如

各房草譜雖耳目較近聞見較習然惟其近習安保

無誣罔容隱等弊於此詳加覈實愈不勝其難其慎

之至

一印譜次第告成其間有另行查出并添丁來報者作

補續一卷附之



一宗祠祭規祭產所係匪輕乾隆三十年間族長漢卿  
公等立木榜於中堂迄今條款隨時宜而改田畝緣  
捐助而增值年備祭歲易主人尤難劃一於是重爲  
釐訂清楚悉載之卷末俾克遵行經管毋滋忽遺欺  
佔也  
一領譜出捐亦悉載之卷末一以使人知譜不空懸收  
藏加謹一以使人知捐非虛擲激勸彌殷  
一是役也勞固不辭咎亦不免蓋當局者迷容有舉一  
廢百顧賓失主甚於因陋就簡仍訛踵謬者伏冀同  
宗人恕所不知匡所不逮則幸甚

韞輝又識

道光庚子年修輯宗譜

宗長 廷枋 德樹

纂輯 韞輝 函山

同 夔堂 理甫

輯 名墳 怡之

查錄 變堂 振甫

如珊 東柱

望賚 振南

賢品 秉鈞

文瀟 渭泉

王書

英年 雄飛

志緒 肯堂


名舉 履平

愛三 與參

開烈 星水

英年

韞輝



名墳

儒珍 聘三

萬清 定甫

世昌 毓秀

楚楠 魯玉

允昌

玉書

志緒

寶品

秉隆

英華

世昌

望齋

鼎甫

開泰

萬福

收懋

東珠

受三

謙益

樂堂

...

谷愚

谷愚

洽魁

...

...

...

爽堂

...

...

...

驛戰

...

...

...

茂林

...

...


...

...

...

...

...



同治癸酉年續修宗譜

宗長 鼎炎 潤之

纂輯 沛如 月川

同 予齡 晚香

粹然 詠舫

輯 一來 振甫

錄查 蘭臺 陞芬

予齡 夢九

世河 荷亭

沛如 允充

春臺 二熙

賢鈔 國貴

蔭森 桂津


允昌 玉書

思聰 洪甫

承璋 禮南

大榜 天章

宗懋 杏莊



景栽

鍾冊

萬年

景椿

顯堂

肯之

豫炷

德徵

傑三

漢卿

以漣

媚川

懋全

蓮塘

悠齡

筠生

之綱

建

粹然

清之

春來

錫如

思

甫

一來

鍾甫

粹然

扁餘

同字

鍾香


粹然

扁餘

宗鼎

鼎文

同字癸酉年蘇珍宗鼎



毛氏永思堂族譜目錄

卷首 主事毛吉進階承德郎

何公基序 按察司僉事毛吉陞為副使

五世惟振公序 東常保會茶鹽公舉手擢郎為奉議大夫

六世五貴公居第源委 察使毛吉加為嘉議大夫


仲公琦序 麟戰公舉刑部山西清吏司主事

趙公撝謙續居第源委

十三世宗漢公序 主事毛吉進階承德郎

十五世景輝公凡例

十五世世章公序 大夫順天府霸州知州



十六世大用公序

十八世霽陽公序

朱公文治序

二十二世廷枋公序

二十五世韞輝公序


六卷首中

諸授朝奉郎浙東常平倉茶鹽公事毛遇順為奉議大

何夫墓

勅贈毛璵為承德郎刑部廣東清吏司主事

手勅封鄔氏為太安人



勅刑部廣東清吏司主事毛吉進階承德郎

勅封熊氏為安人

勅諭廣東按察司僉事毛吉陞為副使承

諭祭廣東按察司副使毛吉追贈為按察使

誥贈廣東按察使司按察使毛吉加為嘉議大夫


勅贈毛傑為承直郎刑部山西清吏司主事

勅封周氏為太安人

勅刑部山西清吏司主事毛憲進階承德郎

勅封華氏為安人

誥封毛謹為奉直大夫順天府霸州知州





三王族譜  
目録  
二  
勅贈沈氏爲宜人

誥封胡氏爲宜人

誥命順天府霸州知州毛實進階奉直大夫

誥封陳氏爲宜人

勅諭湖廣按察司副使毛憲撫治荆襄漢陽等府地方


勅贈毛純爲承德郎刑部福建清吏司主事大夫

勅封李氏爲太安人

勅刑部福建清吏司主事毛紹元進階承德郎

勅封胡氏爲安人

勅贈毛明爲文林郎湖廣道監察御史



誥贈原任湖廣按察司副使毛憲為中憲大夫秩如故  
誥贈安人華氏加為恭人

勅授順天府通判毛文炳為承德郎

勅封周氏為安人

勅封毛邦器為文林郎江西南安府崇義縣知縣

勅贈孫氏為孺人直大夫光祿寺署丞

勅授江西南安府崇義縣知縣毛子翼為文林郎

勅贈姚氏為孺人太輿線線手乘光祿寺署丞

勅封勞氏為孺人

勅贈原任浙江金華府浦江縣儒學訓導毛懋仁為文

林郎江西南安府太庾縣知縣

勅贈牛氏為孺人

勅授江西南安府太庾縣知縣毛秉光為文林郎

勅封陳氏為孺人崇善縣知縣手子翼為文林郎

誥封毛登賢為奉直大夫光祿寺署正銜


誥封仇氏為宜人林河王西南安府知縣崇善縣知縣

陳卷首下無其人

侍講維瞻公像贊手文獻為承繼潤爾承德郎

度支判官允聘公像贊人

侍御史叔度公像贊手文獻為承繼潤爾承德郎



禮部郎中謹倫公像贊

觀察使寶章公像贊

大理卿鴻甫公像贊

翰林院檢討惟振公像贊

縣丞惟宣公像贊

郡守五貴公像贊


支祖貴誠公像贊

封翁尙義公像贊

三首

憲副思菴公像贊

賜進士贈刑部主事翊齋公像贊



參政拙菴公像贊

兵備副使蕨南公像贊

刑部郎中恆齋公像贊

鎮撫贊畫江厓公像贊

總戎萬槐公像贊


翰林院編修春臺公像贊

參將斗麗公像贊

別駕雲池公像贊

副總兵雲臺公像贊

監河參軍絨所公像贊



中憲大夫霽陽公像贊

侍御史叔度公行狀

郡守五貴公行狀

忠襄公行蹟集錄

賜進士贈刑部主事翊齋公行狀


賜進士贈刑部主事翊齋公墓表

監河參軍絨所公去思碑記

馬氏孺人貞烈傳

領譜部數

脩譜捐項



三丘旂記  
目錄  
五  
永思堂

附 卷首下

永思堂原敘

祠堂木榜敘

重訂祭簿叙

大宗祠規例  
祭主奉祀齋公墓表

祠祭款式  
祭主奉祀齋公行狀

祠祭祝章  
祭主奉祀齋公行狀

祠內器具  
祭主奉祀齋公行狀

值祭巡次  
祭主奉祀齋公行狀

公祠助款  
祭主奉祀齋公行狀



配享諸公系傳

董事人名系圖

祭產戶號系圖

姚卷一正姚六三長世系圖

追敘四附記


姚邑本支世系圖

姚邑本支世系傳

豐山本支世系圖

豐山本支世系傳

姚卷二三兩系世系圖





敏一敏二兩房世系圖

敏一敏二兩房世系傳

仲仁房世系圖傳

卷三

敏三敏五敏六三房世系圖


卷四

敏三敏五敏六三房世系傳

卷五

敏四房世系圖

卷六



敏四房世系傳

卷七

驥三房世系圖

卷八

驥四房世系傳

卷九

驥五大房世系圖

卷十

驥六大房世系傳

卷十一



三上族譜  
目録  
卷十二世系圖  
驥三二房世系圖

驥三二房世系傳

驥四房世系圖

驥四房世系傳

卷十四世系圖


驥二房世系圖

驥二房世系傳

卷十五系圖

卷十五系傳

卷十五系圖



昌勤統房世系圖

昌勤統房世系傳

卷十六

圓一至圓十統六房世系圖

圓一至圓十統六房世系傳


圓卷十七世系圖

圓六房世系圖

圓卷十八世系圖

圓六房世系傳

圓卷十九世系圖



三上族言  
圓十一房世系圖

卷二十

圓十一房世系傳

圓卷二十一

圓十二房世系圖


圓卷二十二  
六房世系圖

圓十三房世系傳  
五房世系圖

卷二十三


圓十三圓十四兩房世系圖

圓卷二十四  
系圖




圓十三圓十四兩房世系傳

毛氏之先乃后稷之苗裔如姓族也周文王  
於毛其後以國為氏代不乏賢至戰國時有  
君會楚定從約使趙立於九鼎者遠是也至漢有訓誥三  
百廿一篇之詩傳於天下後世者享與從子其是也有家  
貧無養捧府檄而志動顏色及母卒後徵辟皆不就者蓋  
是也至魏有諱玠者為尚書僕射典選公方武帝初其有  
古人之風至晉有諱寶者為廬江太守至其孫璩三葉推  
應至南北朝有諱鴻賓者為青州刺史齊酒之蒸其後  
飲其醪而志捨之不歸士兩力及歸老於家



圖十一 房世系傳  
 卷二十一  
 圖十二 房世系圖  
 卷二十二  
 圖十三 房世系傳  
 卷二十三  
 圖十四 房世系圖  
 圖十五 房世系圖  
 圖十六 房世系圖  
 圖十七 房世系圖  
 圖十八 房世系圖  
 圖十九 房世系圖  
 圖二十 房世系圖  
 圖二十一 房世系圖  
 圖二十二 房世系圖  
 圖二十三 房世系圖  
 圖二十四 房世系圖  
 圖二十五 房世系圖  
 圖二十六 房世系圖  
 圖二十七 房世系圖  
 圖二十八 房世系圖  
 圖二十九 房世系圖  
 圖三十 房世系圖  
 圖三十一 房世系圖  
 圖三十二 房世系圖  
 圖三十三 房世系圖  
 圖三十四 房世系圖  
 圖三十五 房世系圖  
 圖三十六 房世系圖  
 圖三十七 房世系圖  
 圖三十八 房世系圖  
 圖三十九 房世系圖  
 圖四十 房世系圖  
 圖四十一 房世系圖  
 圖四十二 房世系圖  
 圖四十三 房世系圖  
 圖四十四 房世系圖  
 圖四十五 房世系圖  
 圖四十六 房世系圖  
 圖四十七 房世系圖  
 圖四十八 房世系圖  
 圖四十九 房世系圖  
 圖五十 房世系圖  
 圖五十一 房世系圖  
 圖五十二 房世系圖  
 圖五十三 房世系圖  
 圖五十四 房世系圖  
 圖五十五 房世系圖  
 圖五十六 房世系圖  
 圖五十七 房世系圖  
 圖五十八 房世系圖  
 圖五十九 房世系圖  
 圖六十 房世系圖  
 圖六十一 房世系圖  
 圖六十二 房世系圖  
 圖六十三 房世系圖  
 圖六十四 房世系圖  
 圖六十五 房世系圖  
 圖六十六 房世系圖  
 圖六十七 房世系圖  
 圖六十八 房世系圖  
 圖六十九 房世系圖  
 圖七十 房世系圖  
 圖七十一 房世系圖  
 圖七十二 房世系圖  
 圖七十三 房世系圖  
 圖七十四 房世系圖  
 圖七十五 房世系圖  
 圖七十六 房世系圖  
 圖七十七 房世系圖  
 圖七十八 房世系圖  
 圖七十九 房世系圖  
 圖八十 房世系圖  
 圖八十一 房世系圖  
 圖八十二 房世系圖  
 圖八十三 房世系圖  
 圖八十四 房世系圖  
 圖八十五 房世系圖  
 圖八十六 房世系圖  
 圖八十七 房世系圖  
 圖八十八 房世系圖  
 圖八十九 房世系圖  
 圖九十 房世系圖  
 圖九十一 房世系圖  
 圖九十二 房世系圖  
 圖九十三 房世系圖  
 圖九十四 房世系圖  
 圖九十五 房世系圖  
 圖九十六 房世系圖  
 圖九十七 房世系圖  
 圖九十八 房世系圖  
 圖九十九 房世系圖  
 圖一百 房世系圖



舊序

毛氏之先乃后稷之苗裔姬姓族也周文王第九子就封於毛其後以國爲氏代不乏賢至戰國時有自薦於平原君會楚定從約使趙重於九鼎者遂是也至漢有訓詁三百十一篇之詩傳於天下後世者亨與從子萇是也有家貧無養捧府檄而喜動顏色及母卒後徵辟皆不就者義是也至魏有諱玠者爲尙書僕射典選公方武帝稱其有古人之風至晉有諱寶者爲廬江太守至其孫璩三葉擁麾至南北朝有諱鴻賓者爲青州刺史齋酒之藩羣盜劫飲乘其醉而悉擒之不勞士馬力及歸老於家魏明帝詔



曰畫錦榮鄉至隋有諱爽者明天文歷法展布於當時垂法於後世至宋有諱注者彈劾巨奸廢黜終身不悔有諱卓者官御史罵賊不屈致身守節逮至高宗南渡之先簪纓尤盛有字維瞻者由瑞州守遷邇英閣侍講文章政事鳴於當時有字允聘者侍講之冢子也判度支掌利權一錢尺帛不入私第以清慎見稱有字叔度者度支之次子遷侍御史兼左司諫彈劾執政奸回誤國執政惡其梗遏和議謫爲餘姚縣丞植桑梓於邑之鄧巷口居焉此毛氏渡江之始祖也字謹倫者侍御史之次子任禮部郎中器量寬廣塵事適洽字寶章者禮部之長子任大理寺御史

中丞因直言奸臣以救趙汝愚之寃謫爲四川提刑觀察使振肅風化民不爲非吏不敢欺蜀以大治諱遇順者觀察使之次子由進士任監察御史遷大理卿彈劾不避權威理宗書其名於御屏以旌其直諱鐸者大理卿之次子由進士仕至翰林檢討此皆毛氏之炳炳者也他如諱彝諱舉美諱銓諱鎧諱鎮輩皆讀書能文諸子百家陰陽術數無不究極闔奧特不用於世耳苟有用我豈無可稱述者哉惜乎先譜失傳世系難次遠不可得而追也異不可得而合也翰林公慨然有志於斯姑舉其近而可知者以侍御叔度公爲始祖等而下之各序其諱字行實生娶卒

葬輯爲一譜而爲文以識之請余序諸首簡余嘗病夫世  
之爲譜者不駕虛翼僞則自欺自誣未免涉於疑似而不  
足以取信於人者多矣記曰古之君子論譔其先祖之美  
而明著之後世其先祖無美而稱之是誣也有善而弗知  
不明也知而弗傳不仁也此三者君子之所恥也今毛氏  
之譜譜其所可知不及於遠取其所可傳不涉於疑似旣  
明且仁而不失於誣焉誠士君子盛德事也誠可爲世之  
修譜者取法也余故推本其先世而爲之序云

宋淳祐甲辰春王月吉旦

賜進士第翰林院學士兼崇政殿說書何基撰

舊序。邦。傾。有。命。之。命。士。命。三。命。六。命。十。命。一。命。之。命。氏。族。之。不。可。無。譜。牒。其。來。久。矣。蓋。自。天。子。建。國。賜。姓。命。氏。有。以。王。父。之。字。爲。氏。者。有。以。先。世。之。諡。爲。氏。者。有。以。所。封。之。國。所。居。之。官。爲。氏。者。本。固。同。矣。支。分。派。異。能。保。其。至。久。而。不。失。其。真。者。乎。秦。漢。以。來。世。守。一。姓。有。傳。至。千。百。年。而。不。變。者。使。譜。牒。不。明。則。亦。烏。知。其。孰。彼。而。孰。此。哉。所。以。事。必。檢。其。所。自。來。族。必。稽。其。所。由。始。明。世。系。序。昭。穆。篤。近。舉。遠。聯。合。族。屬。使。親。疏。遠。邇。井。然。有。條。無。毫。釐。失。次。則。譜。牒。之。係。於。世。教。豈。淺。鮮。耶。吾。家。系。出。汴。之。陳。畱。其。先。魏。時。有。諱。玠。者。爲。尚。書。僕。射。登。庸。相。府。典。選。公。方。慶。縣。廕。厚。至。我。

宋朝簪纓尤盛有爲瑞州守遷邇英閣學士者有爲度支判官有爲衢州郡守者譜牒失傳世系難次固不可得盡知也靖康末高祖誠十諱度字叔度遭時不靖隨高宗皇帝渡江而南紹興初登張九成榜進士累遷侍御史彈劾切直執政惡其梗遏和議謫餘姚縣丞遂家於邑西鄧巷口迺吾毛氏南渡之始祖也曾大父全二諱倫字謹倫者爲禮部郎中因貫籍而居焉先大父廉訪使諱舉明字寶章先伯父醴陵縣丞諱遇時字鴻乘先君大理卿諱遇順字鴻甫或以文行顯或以科舉進身則亦無忝於汴之文物矣時則有伯一伯二伯三伯六伯七仲一仲二仲三仲

五仲六仲七仲八仲十一仲十二仲十三輩子孫繩繩先  
君大理卿折而爲三有居於鄧巷口者有居於邑東杭渡  
者若吾先君則居於豐山後焉山明水秀田膏土肥非擇  
而處之也顧惟地靈人傑而子孫循循雅飭皆能讀書好  
禮磊磊落落人亦不敢以凡庶目之稱爲豐山毛氏吾子  
仲四甫就塾能親師取友不事羣兒戲人益加重焉淳祐  
初年鐸承乏翰林以憂制歸見其居於鄧巷者或馳馬遊  
狎居於杭渡者或廣植花卉不務君子之分內事焉余竊  
憫其居之不得其所也將欲相與徙於豐山創業居焉廣  
田園拓區宇使不爲俯仰累特以譜牒失傳世系難次姑

舉其近而可知者以南渡叔度公為始祖等而下之各叙  
 其諱字行實生居卒葬哀為一譜以俟後之賢子孫重加  
 脩葺垂以示於後世以取信於人人豈有冒狄梁公之籍  
 而貽笑於邑之士君子也耶遂為序以附諸譜且以誌歲  
 月云

淳祐四年甲辰春二月上浣之吉

賜進士第翰林院檢討五世孫鐸謹識

淳祐四年甲辰春二月上浣之吉  
 賜進士第翰林院檢討五世孫鐸謹識

居第源委親身訪有戰內顯景

南渡始祖誠十諱度字叔度者紹興初登張九成榜進士

累遷侍御史為梗遏和議謫為餘姚縣丞撫民有方民甚

愛重之公暇嘆曰余世居汴之陳畱故鄉淪沒不可復歸

其何以哉爰擇邑治龍泉山之東鄧巷口面江築室命高

大父全二居之而貫籍焉又於燭溪湖杭渡置山莊一所

燭溪鄉小豐山北置田莊一所嘉定壬申曾大父彰一四

川提刑觀察使致政東歸因故第之南置廳堂五間三進

夾廂樓二十八間以故第為禮儀會膳堂建法性寺造江

橋橋東北立香火院又增置杭渡等處山五百餘畝豐山



等處田六頃有奇量入爲出以周一歲之用伯祖洪一諱  
遇時字鴻乘者史丞相以才行薦爲湖廣醴陵縣丞大父  
洪二諱遇順字鴻甫者嘉定十六年癸未登黃甲與邑之  
聞人之名同榜史丞相彌遠建坊牌於故第前匾曰世顯  
以彰其榮授侍御史累遷大理卿歸老又於法性寺左增  
建香火院二進山田莊各建屋二十餘間命子姪輩伯高  
等析而爲三居之余父伯四諱鐸字惟振者淳祐初以憂  
制歸自翰林嘗修譜牒將起復甲辰終於正寢余自滄州  
丁外艱歸時大父及老成賢父兄輩皆先後捐棄噫家門  
之不幸可勝哀哉及自潭州丁內艱歸見子孫之居於鄧

巷者好馳馬博弈居於杭渡者植花卉尙漁獵悉如余父  
所言皆非君子之所爲也惟吾子孫之居於豐山者循循  
雅飭讀書好禮先人之志之業繼述之不敢忘也乃集族  
屬長幼子姪而語之曰鄧巷口不免城市之紛華杭渡亦  
狃於湖山之勝槩俗尚奢靡樂不可常豈爾子孫所當止  
之地耶且豐山別業良田沃壤縣亘數里兩山拱峙於其  
前大江橫截於其下峯巒聳翠潮汐環滙正所謂山明水  
秀田膏土肥鍾靈毓秀可耕可讀之處也盍徙而居之守  
燈窗之辛苦力稼穡之艱難勤勤勉勉共守先業不亦可  
乎皆應曰唯遂以居第爲解宅山莊爲墓庵收合族屬萃

於田莊居之晝則田器滿目夜則誦聲沸耳余忻喜不勝  
登附於譜牒之內使後世知所本也  
開慶元年己未夏四月日潭州郡守六世孫公謹識

前大正對嶺於其平峯巒巒墜於雙雁五洲隋山即水  
文賦漚且嶺山似業夏田天擊細亘煥里兩山捲神於其  
眩外隨山之烈梨岩嶺春製樂不日常豈爾千終浪當此  
圖身必乎至而語之曰澄谷口不食無市之餘華林幾亦  
無餘餘書我斷去人之志之業繼表之不煩也山之其其  
洵言者我我千女洩爲也其吾毛絲之具於豐山皆前  
卷首我蠟滿對夜風於林幾亦蘇於在尚無繼悉吹余於

舊序慕繼武大氏義父母於西東林苑十一日因訪後  
宗法立則人倫厚而風俗美宗法廢則親族離而恩義疎  
慨自卿大夫之家無世祿之守世遠人更支分派異大宗  
之法不可得而復矣後世士君子念水木之本源欲聯合  
族屬久而不替幸有小宗之法存焉然大宗惟一繼別子  
者是也小宗有四自高祖以下是也記曰別子爲祖繼別  
爲宗繼禰者爲小宗有百世不遷之宗有五世則遷之宗  
宗其繼別子之所自出者百世不遷者也宗其繼高祖者  
五世則遷者也毛氏世居汴之陳畱系出魏尙書僕射玠  
之後其閒有爲瑞州守遷邇英閣侍講學士者有爲度支

判官者有爲衢州郡守者簪纓赫奕後先相望固不可盡述也姑自宋南渡之始言之有誠十諱度字叔度者隨高宗渡江而南登張九成榜進士累遷侍御史力諫和議之非謫餘姚縣丞公暇歎曰故鄉淪沒不可復歸於是擇邑治龍泉山東鄧巷口面江築室使家累居之而貫籍焉生子三曰全一全二全三全一全三俱死於殤全二諱倫字謹倫仕至奉直大夫禮部郎中生子彰一彰二彰一諱舉明字寶章學優行純爲當道薦歷陞大理卿御史中丞因救趙汝愚寃黜爲四川提刑觀察使歲壬申丁內外艱歸鄉悲慕號泣九月葬父母於邑東杭渡十一月因故第造

正堂五閤三進夾廂樓共二十八閤及造水閣禮儀會膳  
堂南立二石柱爲識癸酉春三月偕明州史越王浩建法  
性寺造江橋橋東北立香火院山田二莊各增廣世業生  
子二洪一洪二彰二往蜀不返洪一諱遇時字鴻乘膺薦  
任湖廣醴陵縣丞雖官卑祿薄而撫民有方民皆愛慕之  
至今有童謠傳播人口戊戌爲大臣所阻棄官而歸教子  
孫以詩禮風流文雅冠絕一時凡相見者不問可知其爲  
毛氏子弟也洪二諱遇順字鴻甫嘉定十六年癸未與邑  
之聞人之名同登進士榜史丞相彌遠造世顯牌坊於故  
第前以彰其榮授侍御史累遷大理卿及丁艱歸歲癸卯

春三月增建香火院於法性寺左洪一生子伯一伯二伯  
六洪二生伯三伯四伯五伯七伯四諱鐸字惟振由進士  
授翰林檢討後伯一生仲一仲二伯二生仲六伯三生仲  
三伯四生仲四仲五伯五生仲十伯六生仲七仲八伯七  
生仲十一仲十二仲十三仲四諱公字五貴領浙省鄉試  
由滄州清池縣令擢潭州郡守公平正大甚得下民心不  
幸卒於官百姓哀之立石頌德逮今猶存生子呈一呈二  
仲十一生叔一叔二叔一諱德字德一生季八季八諱忠  
字貴誠叔二生季九季十皆克世其業不爲時所用子孫  
繩繩愈久愈盛則毛氏之族甲於一郡一邑也尙矣奈何

先世譜牒散亡於南渡之日遺失於喪亂之餘播遷流寓親疎無別大宗之法固不可復而凡綴於小宗者亦迷亂失次得不爲之一慨也耶嗚呼譜牒之作正所以篤親親之情記曰親親故尊祖尊祖故敬宗敬宗故收族收族故宗廟嚴然則欲收合族屬以篤親親之情以嚴宗廟之祀舍譜牒何以哉檢討公慨然有志於斯也旣嘗搜亡輯遺聚爲一帙而文以識之郡守公又嘗附以見聞補其缺略而序以正之然皆未就而卒厥孫貴誠持其譜請曰毛氏譜牒散逸久矣先大父輩慮其久而無傳於是斷自其所可知者創爲是編以傳諸後人公與吾祖五貴有同年契



盍爲之序以垂不朽予退而閱之嘆曰嬴秦以前國有本  
系李唐之前家有譜牒宋之後微矣賢士大夫往往自譜  
其族如歐陽氏老蘇氏其章章可稱者也予觀他族之譜  
或志在於追遠或志在於合異未免疑似之涉而不足以  
取信於人人今毛氏之譜譜目前可知者而已遠不必追  
也異不必合也確乎其可傳可信之書誠足以爲作家譜  
之法矣爰忘其固陋而爲之序如右云

元大德丁未夏六月上浣日

賜進士第翰林院侍講學士仲琦書

大德丁未夏六月

續居第源委

仲四郡守公自潭丁內艱歸以人口繁衍居址狹隘視南河之南水廻地廣開慶初造廳堂五閤二進左右兩廂各二十餘閤徙近屬共居之人目爲前望舊田莊目爲後望元至元閒前後二望俱災解宅亦燬兵戈迭興子孫散亡田山頃畝損耗亦過半矣及台州方國珍僭據餘姚於解宅遺址築而城之闢而街之使吾母族蕩然無依是以宦轍不返者有焉客寓不歸者有焉噫門祚亦云衰矣獨賴季八公讀書好禮諸子皆克肖以前望故址析而爲三命長子安二處其中次子安三處其左安四處其右各構堂

而居之前望之名仍不泯若後望則季九季十所居繼又  
爲焦土矣安四之子寶一重構大厦居之前有磬石照池  
者是其故第也至安二之孫玘二又卜宅於橋之東創爲  
別業廣田園拓區宇嚴家教於勤儉課子孫以耕讀使之  
各事其事務欲其志願之各得焉喪祭冠昏讌會族食無  
不各盡禮度則毛氏之族愈久而愈昌者亦玘二之力也  
謙忝姻戚慮歲久而或失其次故爲敘其顛末附於譜牒  
之後庶後人有所考云

明洪武乙丑鳳亭趙搆謙謹題於毛氏雙峯書舍

舊序

余毛氏自誠十侍御未南渡之先冠蓋相望旣南渡之後代有其人尤爲盛焉世沐宋恩厚矣及宋被胡元毒害毛氏亦與宋俱厄伯仲以下之子孫不爲少矣而今安在哉意者或死於國或傷於兵或宦轍不返或客寓不歸家廢人亡幾乎盡矣幸賴祖宗積德深厚慶庇悠長祐我祖季八府君雖勞瘁孳孳立而志操不凡讀書好禮當先世散亡之餘而能復歸故址脩葺廢墜宅而居之但譜殘缺失次不免有傳授之誤誠十侍御固吾南渡始祖而世遠人繁宅居地廣中興之祖實季八府君也故復提頭畫圖使後



舊例

一作譜之法有九世者有五世者九世者蘇氏之法世雖傳卒難考閱惟歐陽氏五世復提頭之法支分派別有條而不紊一覽之閒親疎聯屬如視諸掌故毛氏之譜竊有取焉然是譜之作非特明世系辨親疎而已善者備書以爲勸不肖者黜削以爲懲勸懲之道一寓於此爲子孫者可不知所脩省乎知所修省則必力於爲善不敢爲惡以貽祖宗之羞矣並兩書之於本堂不書與一凡生子三月則告宗人率其父母抱其子見於祠堂然後命名書於譜且第其行與生年月日至冠書其字

一凡既沒則書其諱某字某以至生娶卒葬行實皆備書之庶宗法不廢不使因循遺失以譜爲虛文

一凡無嗣者以兄弟之子繼續並兩書之於本生下書男某出繼某伯某叔爲後於所繼下書某係某男承嗣庶支派明而不紊其所自出也

一凡有仕宦必備書出身履歷某處某官或曾受誥勅封贈及名公巨卿行狀墓誌神道碑傳阡表或有隱居山林德行可尊作事可法言論可稱述文章可示訓片言一行可紀錄者悉錄之

一此譜既尊歐陽公五世復提頭之法於譜前添一總圖


以便觀覽又恐歲久湮沒書一樣四本一畱於豐山後  
舊宅一畱於豐山前新宅一畱於仕北京者一畱於仕  
南京者後有生娶卒葬互相通報使備書之  
成化丙午歲十五世孫燦謹書於大豐山跳頭書屋



一凡有仕宦必備書出身體履某處某官或曾受詔勅封  
 某州縣某伯某叔為後於所繼下書某係某男及  
 某派明而不索其所自出也

一凡有仕宦必備書出身體履某處某官或曾受詔勅封  
 某州縣某伯某叔為後於所繼下書某係某男及  
 某派明而不索其所自出也

一凡有仕宦必備書出身體履某處某官或曾受詔勅封  
 某州縣某伯某叔為後於所繼下書某係某男及  
 某派明而不索其所自出也



舊序

晉以並士絲谷以舉人絲振聚限覽實由

余族系出文王第九子封於毛以爲國姓歷戰國秦漢魏  
晉隋唐間代有聞人至宋簪纓尤盛有字維瞻者由瑞州  
郡守遷邇英閣侍講有字允聘者爲度支判官有字伯權  
者爲衢州郡守皆世出汴之陳畱有字叔度者隨宋高宗  
南渡爲侍御史因梗和議謫餘姚縣丞遂築室於邑之鄧  
巷口使之姓居之而貫籍焉此余族渡江之始祖也二世  
祖字謹倫者爲禮部郎中三世祖字寶章者爲四川提刑  
觀察使四世祖字鴻乘者爲醴陵縣丞字鴻甫者爲侍御  
史遷大理卿五世祖字惟振者爲翰林檢討六世祖字五

貴者由滄州清池縣令遷潭州郡守之數公者文章政事  
至今膾炙人口翰林公以先譜失傳世系難次遂斷自叔  
度公爲第一世祖等而下之各叙其諱字行實生娶卒葬  
創爲一譜而文以識之時翰林學士何公基序諸首簡郡  
守公亦嘗輯而脩之補其缺畧翰林侍講仲公琦爲之序  
逮至我朝當歷運遷革之後雖族屬繁衍亦多抱道自高  
無忝於前人至十三世先大父輩諱吉諱裕諱祚十四世  
先君諱傑叔父諱科十五世若憲若實者皆聯登科甲吉  
由秋官屬陞廣東按察司副使以死勤事贈按察使謚忠  
襄先君以進士終裕以舉人終祚遷別駕實由霸州守陞

刑部郎中俱以疾終科與憲歷陞按察司副使憲奉勅撫  
治湖廣等處地方久羈宦轍皇皇於譜牒之脩而未暇焉  
時大父輩諱漢號東圃先生者讀書能文掇拾其譜之殘  
缺倣歐陽文忠公五世一提頭之法而纂述之宗弟諱燦  
字景輝者補邑庠弟子員亦作爲凡例又皆未就而卒嗚  
呼惜哉今上元年丙寅余致政還慨然有志於斯旁搜廣  
輯於前之譜未及載後之事未及錄者考訂之補益之裒  
爲一帙以傳諸後世使善者可取以爲法惡者可視以爲  
戒則於惇本睦族之道未必無小補云至如范宣子言保  
族愛民之道叔孫穆子則以立德立功立言告夫德之立

功之立言之立三者有一焉則顯祖揚親莫太於是矣此

又為子孫者所當勉力也余故序之譜末以識歲月云

正德十一年丙子春三月朔旦

賜進士出身湖廣按察司副使奉

勅撫治荆襄漢陽等府地方十五世孫憲謹書

字景職

姓

郡

命

受

舊序

夫譜牒之脩所以上追宗祖下聯族屬誠有家世守之大典也水木本源之念人孰無之但世遠年湮人情縱弛修是書者或限於力量之未能或病於時日之未暇是以旣作而輟將聚而散殘編斷簡不覩全書甚可慨也東園先生因陋就簡纂輯而未成景輝先生布列凡例有志而未就逮我伯父蕨南翁致政家居因取前緒而引伸之親自摹寫有傳有記用心可謂勤且勞矣不及脫稿而終遂使堂堂大族無可據證或子孫而復冒先諱者有之或第行而重疊再見者有之顛倒舛錯紊亂失次豈吾輩之所忍

見哉矧吾家世系自南渡始祖誠十侍御公而下源委詳  
悉條款分明照然如指諸掌不比他姓移花接木牽摭附  
會妄認遠祖者可比也孔子謂文獻足徵可傳而不缺况  
吾家乘之昭如日星者乎或者浪言誣毀洗垢索瘢是上  
不能尊祖敬宗下不能惇倫睦族是豺狼也豈願吾家有  
是人哉願吾族屬賢達輩長幼卑尊同心協力以成盛舉  
則祖宗有赫之靈始瞑目於地下矣何幸如之

嘉靖

三十一  
年十二  
月吉旦  
十六世  
孫邦器  
謹識

舊序

二十六

五

宋

趙

光

書

於


族於吾邑號稱縣昌顧生齒蕃於昔年而雍風遜於往烈夫何故宗譜闕而宗法之不明也先大父東漁府君掇舊譜於覆瓿序次有秩從大父東碧封君洞本支於指掌筆削是程家乃存其餼羊人得遡其源本宗盟壇坫是尸牛耳可不謂老師者乎先大夫少江府君紹明前休倣表志之例臚分類列各欲傳以論讚而一經緼以歲年五斗滄於辰巳未竟厥緒痛乎命也小子秉光自乙未竣計愛都梁之檄便道歸省二代之手澤如新百年之文獻未備請於宗老分命子弟正其系派之紊者蒐諸紀載之闕者而



秉光迫於公程戴星入楚屬我伯兄東光季弟彙光編校  
成帙郵附而來然而歷代恩綸名賢傳誌家有不能藏子  
孫有不能舉所存什之一二耳雖然存此一二以俟後猶  
賢乎已且舉爾所知人其舍諸公暇稍爲哀次鐫梨汗竹  
用布我諸宗使各有采輯以歲時祖社合券而登益之譜  
籍備而宗法明世世萬子孫庶有豸乎是譜也斷自季八  
府君而下羣季之子孫不與焉遵舊也家自爲譜譜自爲  
系世次乃益明是固東漁府君與東碧封君意也雖然非  
二公之意蓋受之蕨南公蕨南公受之東圃先生

萬曆二十五年歲次丁酉孟冬吉日

奉直大夫知武岡州事十八世孫秉光書於平易堂




毛氏族譜

卷首七序

七

承恩堂

秦國大夫映苑岡陝事十八卦蔡乘光書效平良堂



舊序

家之有譜所以敬祖聯族以傳諸久遠典綦重已迺閱數  
十年而不修則所見異辭所聞異辭所傳聞又異辭勢必  
親盡則情盡情盡將視爲塗人老泉蘇氏深戒之爲賢子  
孫者忍乎哉毛氏自周文王子封於毛遂以國爲姓與魯  
衛諸邦並列春秋之世厥後代有傳人其最著者漢有大  
小毛公繼子夏之學詁詩三百十一篇因各詩爲毛詩獨  
立於國學前所謂魯詩齊詩韓詩三家皆廢而不講南宋  
渡江後左司諫叔度公梗遏和議執政惡之謫餘姚縣丞  
始居邑之鄧巷口簪纓奕世因爲望族近溯有明一代科

第最盛鄉薦二十餘人捷禮闈者過半前有忠臣後有鼎  
甲由是爲一族之光焉

國朝以來讀書力學而登賢書貢成均遊黌序者縣縣不  
絕其能繼起前賢正未有艾不特生齒繁衍爲吾姚闔邑  
著姓也歲丁酉冬毛氏因譜牒久不修輯宗長德樹創議  
令理甫怡之雄飛函山肯堂五君子協力重修閱三載而  
始竣乃屬序於余藉非賢子孫好禮者亟於樂輸司事者  
勤於採訪而能精密如是哉粵稽淳祐五年疊山謝氏舊  
有序惜其文殘缺不獲窺見全豹嗣何學士基所作備述  
毛氏列代名流最爲詳確洵可作傳世之寶余自二十年

前因族譜不修已及百載自顧耳目尙未蒙昧亟由海昌  
解組歸而輯之亦深有感於老泉之言與毛氏諸君子同  
此志焉是爲序時願自譜帙散亡有明萬曆中年靈陽公  
道光二十年歲在庚子三月之望朝乾隆初年用周公修  
勅封承德郎翰林院編修書然茲之大畧得所考據獨賴  
例封奉政大夫翰林院侍講加一級前大挑一等以知縣  
試用改就杭州府海寧州學正保題知縣加五級八十一  
老人朱文治拜撰孫並若交堂字理甫名垣字怡之英年

字雄飛韞輝字函山志緒字肯堂諸君同心協力

盡心竭力於各省各府各縣惟常三友周讓公



舊序

合宇內巨族一百九十三姓千六百五十一家我毛氏亦云盛矣顧自譜帙散亡有明萬歷中年霽陽公修之於前至今止畱底藁本朝乾隆初年用周公修之於後當時未獲全書然茲之大畧得所考據獨賴此集之存焉迄嘉慶年間有繹如諱志綸者取各草譜整理而謄錄之余嘗有志而未逮忝居宗長幸際宗弟宗姪宗孫輩若夔堂字理甫各墳字怡之英年字雄飛韞輝字函山志緒字肯堂諸君同心協力又盡心竭力於各省各府各縣惟常三支周謨公派下



居金華建中公派下居蕭山玘二支嗣銜公派下居  
通州子來公派下居紹城近固現相往來遠亦素有  
音問外此不能遍及而凡本支之在姚地者則查木  
主於神堂訪根由於故老斷者續之漏者補之無可  
續無可補者萬不得已而姑闕之不敢爲容易之談  
不敢爲苟簡之計蓋自設公局開公捐或總其事或  
董其事閱一歲餘而始有端緒可尋規模可定夫吾  
族非有姓異而系同若徐之與秦金之與劉沈之與  
尤朱之與諸者也亦非有姓同而系異若李之屬十  
有一張之屬十有四王之屬二十有一劉之屬二十

有五者也。特以世代緜長，人數蕃衍，已登於舊譜者，殘編斷簡，一誤再誤，以來莫辨前賢爲孰，是未登於舊譜者，僻壤窮鄉，一傳再傳，而降罔知先祖爲何人，遂致遠紹旁搜，幾於不堪收拾，其難如此，其煩如此。噫！後之人可不隨時增修乎？昔蘇老泉有眉山族譜之作，玩其引文記文，誠視之重，慮之深，故言之詳，且切。今余之冀相與以有成，與諸君之樂相助而爲理，亦無非此意耳。至於爲三衢爲四明爲雙河，其派雖大，散分其源，固合統宗會譜，更有俟於賢子孫繼序而敬收之。此次修輯，卽豐山一本第就耳聞目見口授手

鈔俛不至似是而非所以未遑他及云

大清道光十有九年春二月朔旦

世孫廷枋謹識



今余之莫昧與以有與諸君之樂昧而欲野  
文并其得文張文越顯之重款之樂昧而欲野  
煎於之人可不謂知會於平昔燕客泉齊骨山越  
數姪與臨安對幾飲不壯亦併其蝶咬此其則  
善善音物舉廉廉一樹再新而利國映出脈為向人  
數餘滿簡一語再贈以來莫辨前賢其錄長未登  
亦正香出林以世外綿身人樓著於日登於書

舊序 邵氏且稱自合丹後而論 魯衛自流烏佐命鉅鹿受封以至派別西河支分南  
粵稽姬姓冠乎祁滕葳任荀僖毛叔次於管蔡鄭霍  
渡尊爲鼻祖歷七百禩而壬林延及耳孫垂廿卅世  
而未艾可謂積之有餘引之勿替矣迺者代遠年湮  
文殘獻缺經兵燹而梨棗盡銷徒胥鈔而葛藤莫斬  
風微於昔星散如今或零丁而出遷或半子而入贅  
常固猶秦而視越變且將唐而改周韓侂胄之起家  
誰嫌其辱郭崇韜之拜墓孰辨其誣因此而推其弊  
難勝道也由斯而降其端堪窮詰哉宗長德樹公身

雖當衣帛食肉之期喜精神之矍鑠心惟在薦燾奉  
盛之地冀靈爽之式憑太息泯泯而焚焚永思承承  
而繼繼蕭山顧盼與眾偕行菁水遡洄須臾共濟蓋  
從霧列村居大書特書類書者十里外并不遺荒僻  
統雲仍族屬上治旁治下治者一本中直靡閔幽遐  
焉時則金獲所鳩草創原資乎多助紙祛厥蠹編修  
並委於無能奈公方祈天假之年忽遘日臻之疾易  
簣而逝嗟扼腕者失其依騎箕而歸弼仔肩者遵其  
旨皂白日迷之際敢云律按春秋雌黃口混之場詎  
曰評昭月旦計自舍丹鉛而傭臧穀處蒼蘘而伴鬼

薪罄渺渺之曠懷尋茫茫之墜緒載離寒暑瓜緜  
而毋撥其根更閱炎涼木接花而弗移其種茲幸版  
緣珍聚佇看雁齒之排冊用綫裝快覩魚鱗之集縱  
據見聞互異之辭竣其功者非必井井條理但援疑  
信並傳之例葳其事者庶幾羅羅清踈已爾  
時

龍飛道光二十年歲在上章困敦寤月中澣日

二十五世孫韞輝謹識

諸乘巖米二十字越亦土筆困尊家民中樂日不

御... 下治者一... 中... 國...


言並於之... 其... 香... 爽... 羅... 羅... 刺... 日... 爾...

對... 具... 剛... 互... 異... 之... 籍... 變... 其... 也... 香... 共... 必... 共... 共... 刺... 野... 山... 對... 疑...

繼... 念... 祭... 台... 管... 孤... 齒... 之... 特... 冊... 用... 變... 變... 對... 賭... 魚... 雜... 之... 樂... 繼...

而... 世... 繼... 其... 財... 更... 閱... 炎... 氣... 木... 對... 林... 而... 弗... 然... 其... 縣... 茲... 幸... 州...

獲... 營... 燭... 燭... 之... 觀... 變... 變... 茲... 茲... 之... 想... 滋... 輝... 燭... 燭... 寒... 暑... 瓜... 綿... 細...




奉

天承運

皇帝制曰詩云濟濟多士文王以寧惟我

皇祖聖考亦賴庶工以熙中外之務故帝績以懋治功以  
成朕荷畀付兢業怵惕惟屬推賚天下所以率由舊  
章而成先志者也爾朝奉郎浙東常平倉茶鹽公事  
毛遇順居署有恪恭之誠臨民懷安靜之美膺我郎  
選進茲官榮錫之誥命特授爲奉議大夫爾尙懋樹  
宏猷以需朕之顯擢





文以明道之顯赫

聖德之官榮德之指命神聖之靈大

制聖誥以譽育群生之德調以獻安備之美觀廷碩

淳祐五年八月十二日陳奉親將東宮平會茶鹽公事


之知寶界於菟業林則卦鳳卦寶天不祀以率由舊

皇脈聖德亦既無工以照中必之終始帝赫以懋命世以

皇帝陳曰精云贊德參士文王以寧卦卦

天承聖

率



奉

天承運

皇帝勅曰國家推恩臣下而必及其親者所以重本而勸孝也亦何閒乎存沒哉爾毛璵乃刑部廣東清吏司天主事吉之父訓子登庸而亡早沒揆其所自宜有顯褒茲特贈爾爲承德郎刑部廣東清吏司主事冥靈不昧尙克承之

勅曰國家於任職之臣必褒顯及其親者所以重源本也爾鄔氏乃刑部廣東清吏司主事毛吉之母相夫教子作範閨門有子登庸克勤職務茲特封爾爲

太安人服此光華益綿壽祉

本出膏液凡氏既濟觀東常與信生事

諫曰國案外并艱之引後我賜為其慈

不相時改派文

勅命餽爾餘承粉潤既濟觀東常與信生事冥靈


天順五年九月初三日肅而于早對對其德自宜休顯

之少寶而閱平并對對爾于與氏既濟觀東常與信

皇帝德曰國案對恩引不而必及其既皆祖以重本而德

天承數

奉



奉

天承運

皇帝勅曰朕惟刑部掌天下獄訟故置屬特詳於諸部非  
得端慎明潔之士曷克稱焉爾刑部廣東清吏司主  
天事毛吉發迹賢科擢官部屬歷年滋久茂著才猷是  
用進爾階承德郎錫之勅命以旌爾能尙益盡心必  
使刑不濫而民不寃庶稱任使欽哉

勅曰夫婦人之大倫故朝廷推恩羣臣命必及之爾  
刑部廣東清吏司主事毛吉妻熊氏恪修婦道以相  
其夫茲特封爲安人祇服隆恩永光閨闈

陳准黃東齋吏同主事手吉妻熊氏  
陳曰夫誠人女太命姑諱我然恩奉日  
與陳不盡而月不發親解并對越若

勅命命謝承齋親陳文陳命以教爾諭尚益盡心必


天順五年九月初三日官時風飄平幽人茲普卡烟景

之激寶即謝之士昂哀蘇爾陳陳黃東齋吏同主

皇帝陳曰知謝陳時奉天不懸結姑置風耕精外齋

天承聖

奉



奉

天承運

皇帝勅曰朕惟朝廷設置官司本爲安養斯民近年以來  
兩廣賊寇猖獗民被荼毒而彼居官任職者往往坐  
視不救甚至推奸避事爲能朝廷雖知其故姑爲寬  
容期收後效是以緩其誅責惟爾毛吉以僉事分巡  
地方累次發兵擒斬賊衆功勤顯著朕甚嘉焉使人  
人效力如此何患盜賊不平今特陞爾副使之職仍  
賜勅獎諭爾其益加奮勵用心殺賊凡廣東所屬各  
府州縣地方但有流賊土賊在彼劫殺人財等項卽

便公同總兵巡撫并巡按御史三司等官計議設策  
督調官軍民快人等前去相機勦捕其領軍官員但  
有懷奸退縮不聽調遣者徑自參奏拏問治以重罪  
凡有勦賊安民良策悉聽爾公同各官計議停當從  
宜施行事體重者具奏處置爾宜深體朝廷陞用之  
意務在殫心竭力以平賊寇以靖地方功成之日別  
有陞賞如或始勤終怠事無成功國典具存亦難寬

皇帝貸爾其勉之爾其勉之同本錄安養洪洞武平以來

天承

奉

維

成化元年歲次乙酉九月乙巳朔越二十

皇帝遣行人秦民悅諭祭於贈廣東按察司


勅惟命齊身賢科擢秋官為茂昭時譽選任外臺

天順八年十月初四日能奮不顧身為國被害既遠

之之寶益彰忠義之名豈期衝冒矢石致傷其命聞

之惻然悼歎不已眷茲勸勞宜隆恩典茲特追贈爾

官用表始終之誼諭祭爾靈尚其飲服






天賦八羊十民際四且平救寇以靖地方功成之日別

命之或怒動終意事無成功國典具存亦難寬

貸其勉之爾其勉之



維

成化元年歲次乙酉九月乙巳朔越二十日甲子

皇帝遣行人秦民悅諭祭於贈廣東按察司按察使毛吉  
曰惟爾發身賢科擢秋官屬茂昭時譽遷佐外臺曩  
因寇發荼毒生靈爾能奮不顧身爲國祛害旣進憲  
副之職益彰忠義之名豈期衝冒矢石致傷其命聞  
之惻然悼歎不已眷茲勤勞宜隆恩典茲特追贈爾  
官用表始終之誼諭祭爾靈尚其欽服厥身訃音來

官用奏故絲之請縮祭爾靈尚其施

之則然神燠不日者茲獲榮宜劉恩典茲特與爾

隔之繼益導忠義之各豈賦衝冒天不姪謝其命聞


因朕發茶毒坐靈爾詣奮不顧良為困折害鴻茲憲

曰卦爾祭良賀恠歟炆官亂茲即執譽戮於小臺彝

皇帝歡於人秦月外齋祭然饋觀東封祭后封祭封手吉

郊外元平焄太乙酉六月乙巳日賧越二十日甲午

聯



奉

天承運

皇帝制曰臣而能勤於職務者朝廷必褒顯之而况忠於國而惠於民以死勤事其勞大矣非加褒錫之典曷以勵忠節哉爾廣東按察司副使毛吉始仕刑曹克持廉慎迨僉外憲益著勤能邇因蠻寇陸梁肆爲民毒爾能動先擒斬大振兵威洎論功遷秩之命方殞而奮勇敵愾之志益勵天不佑善竟殞厥身訃音來聞良足傷悼茲特命爾爲嘉議大夫廣東按察司按察使錫之誥命用示旌褒嗚呼人孰無死死於國事

者為至榮也爾其祇服隆恩永慰冥漠

爾其哀憫於茲特命爾族高第大夫

而晉長幼於茲亦益爾天不於晉族

毒爾族雖大餘神太逝其親前簡也

制誥 茲命伏爾益等禮誥爾因晉族


成化二年閏二月二十五日 旨諭於手書

之寶 茲命伏爾益等禮誥爾因晉族

皇帝曰 爾其哀憫於茲特命爾族高第大夫

天象

奉



奉

天承運

皇帝勅曰自古帝王之孝治也莫大乎尊親肆朕孝奉於  
聖母也必增夫尊號禮既成於家國恩宜被於廷臣錫以  
褒寵之章遂其顯揚之願非徒以教孝抑所以勸忠  
也而毛傑乃刑部山西清吏司主事憲之父蚤擢甲  
科溘先朝露慶鍾令子濟美清朝宜有褒恩用彰所  
自茲特贈爾爲承直郎刑部山西清吏司主事九原  
有知服斯寵命  
勅曰母以訓子爲慈子以顯親爲孝肆朝廷有大慶

推恩臣下而必褒及其親者亦所以崇孝理示激勸也爾周氏乃刑部山西清吏司主事毛憲之母慈惠之善著於閨門訓子成名居官稱任推原所自恩命宜申茲特封為太安人服此隆恩永綏祿養

成勅竊命竊慈其顯壽之願非封以特幸咄祖以謙忠

聖成化二十三年六月二十二日因恩宜姪汝致望諭以

皇帝之曰寶古帝王之奉命也莫大乎尊朕親親奉奉

天承

奉

奉

天承運

皇帝勅曰朕惟刑者民命所係肆矜恤之心恆勤於夙夜而典刑辟者必得仁恕之士以居其職乃稱朕懷爾刑部山西清吏司主事毛憲發迹賢科擢官刑署歷年旣久式克慎勤是用進爾階承德郎錫之勅命以爲爾榮爾其益懋厥職務使刑不濫而民不寃爾惟欽哉

勅曰朝廷褒顯任職之臣而恩典必及其配者蓋以夫婦人倫之始而婦有從夫之義也爾刑部山西清



吏司主事毛憲妻華氏克敦婦道善相其夫夫既顯  
 榮爾宜借貴茲特封為安人服此隆恩永光閨闈

越時

勅命左京對儀女用數爾割承齡洞驗之懷命以

成化二十三年六月二十三日發授買恠對官既署

之典寶刊卷必對口感之士以其嫌以豫州對爾

皇帝懷曰勉對既皆另命視斜製命對之必到謹於風

天來

奉

奉 寶

天承運六年三月二十八日

皇帝制曰教子者必勞於所自勸臣者必顯其所生此固  
人之至情而亦國之良法爾毛謹乃順天府霸州知  
州實之父衣冠舊族詩禮名家善行素著於鄉義方  
克成其子子既有能官之績爾宜受褒錫之榮茲特  
封爾爲奉直大夫順天府霸州知州爰賁寵光益隆  
壽祉爾之衣冠與世同音于慎不無熱不辨爾所  
制曰人臣有勞於國朝廷必寵其親此今昔之所同  
豈存沒之有閒爾沈氏乃順天府霸州知州毛實之

三王方言  
卷首中  
元思堂

母相夫盡職教子成名揆厥慶源宜申恩典茲特贈  
為宜人泉壤有知服斯寵命  
制曰繼母之分情與母同有子斯才無德不報爾胡  
氏乃順天府霸州知州毛實之繼母業習組紉恩多  
教育宜因最績用示褒嘉茲特封為宜人渙命聿頒  
成益彰慈訓迭派齊敷情甄咨案善行素著外厥難  
人文至訓而衣國之夏去爾宇韜以則天孤露以映  
皇帝制曰誥予眷必勞然祖自憐曰眷必賜其祖坐此固  
天弘治九年三月二十八日  
之寶

奉

天承運

皇帝制曰郡縣親民之政每詢於按部之閒朝廷錫命之  
恩或出於考績之外故法有定制而恩有特施凡沾  
旌異之名悉在褒嘉之列爾順天府霸州知州毛實  
早登甲第載握郡符任旣當夫要衝政克勤於撫字  
賢能之譽旣屢得於咨詢褒異之恩宜式彰於錫命  
茲特進爾階奉直大夫錫之誥命於戲治民者先乎  
獲上已徵名績之良善始者貴於保終庶竭猷爲之  
益訓辭具在尚克欽承

制曰夫婦之際風化所先君臣之閉恩禮攸在凡爲  
 伉儷必與褻封爾順天府霸州知州毛實妻陳氏早  
 嫻內則克相厥家夫既有官爾宜借貴茲特封爲宜  
 人榮命聿頒式光閨闈

弘治九年三月二十八日

皇帝之曰寶纁絲另之如神崎然封時之閱膜致驗命之  
 天承聖九年二月二十八日

奉 寶

奉

天承運

皇帝勅曰朕惟湖廣地方廣闊流民數多慮恐歲久生事

致貽後患今特命爾湖廣按察司副使毛憲前去往

來荆襄漢陽等府公同參議等官專一提督所在有

司巡視地方撫治一應流民其已附籍者照例存恤

俾各安居若有爭奪田土聚眾劫掠爲盜等項聽爾

量情懲治應拏問者拏問如律輕則照例發落重則

釘解來京若所在或有貪暴官吏豪橫軍民人等生

事欺害者一體拏問究治以後各處人民或再有逃

移來者卽審其來歷明白遣回原籍復業毋令積聚  
貽患地方蓋治民以撫恤爲本尤貴於勸懲有方若  
使官府奉法循理不加科害俾良善者皆得安生兇  
惡者不免刑罰則人心孰不懷服其合行撫民之事  
聽爾等與三司計議停當而行遇有強盜聚眾及草  
寇猝發一面馳報鎮守巡撫官知會一面調所在官  
軍民兵相機撲捕毋致滋蔓爾受朝廷簡用必須廉  
公勤慎正己率下務稱任使如或因循苟且不能禁  
奸革弊致豪猾恣肆小民失所必罪不宥欽哉故諭

皇帝

奉

奉

大承運

皇帝勅曰

勅情命

忠本孝移而親由子顯式關風化矣國存亡

弘治十二年五月十八日

吏司主事紹元之父安恬自

之樓寶


無華出累代之舊家稱一鄉之善士訓成故

嗣高擢賢科方奏績於郡曹始結恩於國典為源有

自遺澤永志茲特贈為承德郎刑部主事


事尙期神爽之期益延寵靈之貴

勅曰教育兼隆雖國不殊於父顯榮何世重





臣等本二平正民十六日巡撫官知會一而兩所不在官  
 陳民命刑機樓捕毋致滋蔓爾受訓赴簡須臾  
 公勤儉正古事身務稱任使如或罔循苟且不從禁  
 奸革弊致豪猾恣肆小民失所必罪不容貸敢請



奉

天承運

寶

皇帝勅曰旌獎賢勞乃朝廷之著典顯揚先德亦人子之  
至情蓋忠本孝移而親由子顯式關風化奚闕存亡  
爾毛純乃刑部福建清吏司主事紹元之父安恬自  
守樸質無華出累代之舊家稱一鄉之善士訓成喆  
嗣高擢賢科方奏績於郎曹始沾恩於國典慶源有  
自遺澤未忘茲特贈爲承德郎刑部福建清吏司主  
事尙期神爽之昭益迓寵靈之賁

勅曰教育兼隆母固不殊於父顯榮均被君實加寵

於臣緣人子之至情為國家之定制亦惟有德始稱  
 厥名爾李氏乃刑部福建清吏司主事毛紹元之母  
 仁惠夙全儉勤兼至相夫有道稱懿則於閨門教子  
 居官播清聲於郎署慈齡未艾祿養方隆爰錫褒恩  
 用昭盛典茲特封為太安人茂膺冠帔之華安享庭  
 闈之樂

奉

正德十六年八月十七日

大承之寶

奉 寶

天承運十六年八月十日

皇帝勅曰秋曹總邦禁之司任爲特重主事佐郎官之政  
責亦匪輕故必才行之俱優庶其職業之能舉茲惟  
慎選務在得人爾刑部福建清吏司主事毛紹元天  
賦英資人稱遠器蚤登甲第首列郎曹司刑稱聽斷  
之能曾無滯獄處已勵操持之志卓有賢聲課功旣  
邁乎常倫褒錫宜申乎茂典茲特進爾階承德郎錫  
之勅命於戲爲國之要在用法法刻則及無辜愛民  
之實在卹刑刑寬則失有罪尙加愍懋光我命詞欽

三王旌言  
卷首中  
三  
元思堂

哉

勅曰婦專饋祀儀刑不出於閨門國重褒封禮典式  
均於伉儷况乃賢能之配可無推錫之恩爾刑部福  
建清吏司主事毛紹元妻胡氏系繇名族德媿英流  
禮義相成志不違於姆訓儉勤自勵動必協於家規  
婦道既修褒章宜錫茲特封為安人用昭主饋之賢  
益衍宜家之慶

正德十六年八月十七日

之寶

奉

天承運

皇帝勅曰朕以元嗣誕祥覃恩海寓凡爾羣辟皆得以追  
榮於親矧茲耳目近臣爲朕所簡任者乎爾毛明乃  
湖廣道監察御史復之父讀書循禮慕道安貧篤孝  
寡友以終身秉義方以教子卒成偉器爲朕憲臣爾之  
世德可徵也茲特贈爲文林郎湖廣道監察御史宜  
歆優渥之澤以慰冥漠之靈

精勤戡文弊以煥寒幾之靈無雜列之

勅辭命燿世茲以饒為文林淵博淵源蓋察驗及宜

嘉靖十六年七月十日辛未朔庚辰為朔憲用爾文


之寶蓋察驗與之父齋書許甄慕茲安食諫率

榮然賤賤茲其目設曰為知訓簡封卷平爾手即已

皇帝赫曰知以示爾端翰草恩誠寓以爾羣報皆皆以敢

天承憲十六年八月十七日

奉寶



奉

天承運

皇帝制曰朕聞子之能仕父教之忠矧我舊臣貽謀裕後  
嗣揚休烈尤朕所嘉尙者哉爾原任湖廣按察司副  
使毛憲乃故進士贈刑部主事傑之子順天府通判  
文炳之父學紹世傳名魁甲第簡任秋曹克稱明恕  
歷官憲臬丕著風裁經畫有方而廓清巨寇綏來無  
間而撫集流亡湖襄之地盜戢民康於爾永有休聞  
焉顧乞老林泉範模鄉族詎非達士乎哉經綸未竟  
厥施繼述克承其美有子若孫奮庸中外朕嘉爾遺



忠未艾也茲特贈爾爲中憲大夫秩如故歆服褒命  
用表世忠林泉諱懃諱懃諱懃諱懃諱懃諱懃諱懃諱懃  
制曰朕聞賢母之教其子入則致孝於親出則盡忠  
於國茲惟母則朕甚嘉之爾封安人華氏乃順天府  
通判毛文炳之母族爲士望德惟女師躬務儉勤恪  
共賓祀顧其性本天成明於大義順以相夫秉憲南  
服慈能成子佐政京畿婦道母儀爾具有之榮頌子  
皇帝貴命錫夫階茲特贈爲恭人式啓方來載承淳渥

大承

奉

李

天承運

皇帝勅曰國家於京師首善之地置府設尹

制立誥方之則也節判任參厥選尤重必資端士以

嘉靖二十三年八月二十八日


之傳寶

按萃賢移兩宰鉅封誦敷惠敢狀採之真為堪授全

官齊能廉以律也類以滯官明敏之才頓理類劇剛

正之守克振風猷爾其無曠厥官者哉旋刺及至數

續上聞朕甚嘉之略授爾階飛德郎錫之勅



制曰惟國賢母之教其子入則致孝於


於國則忠於君則孝嘉之齊封安人華氏乃厥

文則實父炳之輝族為士望德惟女師躬

熹哉三十三垂八秩三十八日大義順以相夫永

隆積勳於子佐政京畿婦道母儀爾具有之榮

貴希錫夫階茲特贈為恭人式啓功來勳承



奉 寶

天承運二十三年八月二十八日

皇帝勅曰國家於京師首善之地置府設尹輔之以丞所以立四方之則也節判佐參厥選尤重必資端士以贊政經爾順天府通判毛文炳乃故進士贈刑部主事傑之孫原任湖廣按察司副使憲之子早承家學拔萃賢科兩宰鉅封誕敷惠政朕採之輿薦擢授今官爾能廉以律已慎以蒞官明敏之才頓理煩劇剛正之守克振風猷爾其無曠厥官者哉旌剡交至最績上聞朕甚嘉之特授爾階承德郎錫之勅命爾其

益懋初忠尙宏來效用光我訓詞無忝爾世德也欽  
哉

勅曰我國家敷錫臣工榮逮厥配以厚倫而敦化也  
爾順天府通判毛文炳妻周氏惠德惟良柔姿孔淑  
揚芬令族媿美哲人肆助廉而力儉體孝以弼忠用  
能相夫効勞郡治奏績循良惟爾之賢勤實相成恩  
宜均逮茲特封爲安人欽服榮光益敦儆戒

皇帝勅曰命案效京輔首善之此置執類  
天嘉靖二十三年八月二十八日

之寶

奉

天承運

皇帝勅曰士有懷竒負異不狃於時而植德貽謀克昌其  
劉後祿養茂膺恩封寵賁則與其所自試者無或異矣

爾毛邦器迺江西南安府崇義縣知縣子翼之父績  
學懋脩敦倫植行蜚聲芹泮雅志弗酬適性田園遺  
經有託爾子宣猷良牧績勩著聞爾之緒業光矣茲  
特封爾爲文林郎江西南安府崇義縣知縣祇服榮  
休宏綏壽祉

勅曰人子念母氏之劬勞而欲報之德其心孔亟矣

國家緣子貴母沒有愍綸將以體其情而廣孝思焉  
 爾孫氏乃江西南安府崇義縣知縣毛子翼之母終  
 溫且惠克儉而勤肅壺政以相夫率義方而訓子休  
 有華問乃不永年茲以爾子考績贈爾為孺人顯命  
 是頌幽原永賁

隆慶三年十一月十四日順與其祖自靖香飛如異矣  
 皇帝之曰寶百對音負異不此然劫而蘇蘇胡藉京昌其

天派戰二十三年八月二十八日

奉寶

奉安孤樂... 天承運... 皇帝勅曰朝廷寄長民之責於邑令所賴以承宣德意撫  
惠元元非循良之士莫與任此而得列於明課者朕  
且賜之璽書以示褒異焉爾江西南安府崇義縣知  
縣毛子翼以文學之彥掄秀鄉闈而敷教邑庠尤善  
造士已而擢置茂宰則學道愛人緣經飭吏得烹鮮  
之法稱操割之才所司以爾歲績來聞是用授爾爲  
文林郎錫之勅命夫撫字久則民隱益諳閱練深則  
政體日達尚思茲飭毋墮前猷隨所任而思稱嗣有



崇登不爾恡也

送贈其

所

所

所

所

勅曰婦有令德克配君子而不與同其顯休此人情

所憫惻也國家從爵之典豈以沒而忘哉爾江西南

安府崇義縣知縣毛子翼妻姚氏躬有令範嬪於哲

人既獲所歸胡不偕老爾夫宦業方茂寵命祇膺爾

之淑問爲不泯已茲用贈爾爲孺人賁以明恩光於

幽宅送贈其

皇帝勅曰士大夫之有繼室重饋祀之禮也矧能相其夫

天承子績譽彰聞則疏榮之典又可後而弗及耶爾江西

南安府崇義縣知縣毛子翼繼室勞氏孝共不貳淑

慎有儀爾夫在公夙夜退無內憂深閨做戒之助端  
天承有賴焉茲特封爾為孺人欽從爵之榮表宜家之則

勅華命浦江縣儒學訓導毛懋仁乃江西南安府大

隆慶三年十一月十四日經博古篤行好脩自貢籍服


之膠寶敷教既作人而起譽且勛予以成名贈子茂

率之良皆爾式敷之訓茲贈爾為文林郎江西南安

府大庾縣知縣兼勳章昭其孫翼

勳曰夫將母有德而緣養不遠人子所深慕也

... 竟配君子而... 同其... 之與... 以... 而... 為...



... 三平... 民于... 四日... 天... 來... 友... 密... 命... 祿... 相... 爾...

... 命... 為... 不... 泯... 已... 茲... 用... 贈... 爾... 為... 猶... 大... 資... 以... 明... 恩... 光... 於...

... 勳... 曰... 士... 大... 夫... 之... 有... 繼... 室... 重... 饋... 祀... 之... 禮... 也... 矧... 能... 相... 其... 夫...

... 亦... 賤... 無... 茲... 赫... 赫... 爾... 為... 諸... 人... 幾... 紛... 藉... 之... 榮... 表... 宜... 家... 之... 隕...

... 對... 齊... 爵... 爾... 夫... 出... 公... 風... 奇... 豈... 無... 凶... 憂... 采... 闈... 姍... 姍... 之... 也... 繼...

奉

天承運

皇帝勅曰令甲上計之臣奉職克稱者得賜恩賁於禰廟  
萬崇報也况嘗一命再命爲士子師者乎爾原任浙江  
金華府浦江縣儒學訓導毛懋仁乃江西南安府大  
庾縣知縣秉光之父明經博古篤行好脩自貢籍服  
官膠庠敷教旣作人而起譽且勗子以成名睠子茂  
宰之良皆爾式穀之訓茲贈爾爲文林郎江西南安  
府大庾縣知縣赫矣龍章昭其燕翼  
勅曰夫將母有懷而祿養不逮人子所深悲也肆朕

必有以體其情焉爾牛氏乃江西南安府大庾縣知  
 縣毛秉光之母婦道柔嘉母儀令善相夫泮水行樹  
 師模迪子花封各成吏治雖徽音已邈而遺教如存

是用贈爾為孺人渙頒綸綍之恩永慰栢椿之慕茲

勅華命前正總制學隨筆手燃二氏式西南安大

萬歷二十三年九月十八日士千爾普平爾氣丑滋

皇帝之曰寶甲土情之曰奉蠟哀無普齡娘恩貴汝爾

天承

奉

奉

奉

天承運

皇帝勅曰朕思良吏以保惠黎元惟以率作興事克考厥  
成爲兢兢故三載考績上功曰最必登最考而始褒  
序之蓋其難其慎之至也爾江西南安府大庾縣知  
縣毛秉光澡行徵於家脩宏詞呈於鄉薦射宮旣宣  
鐸於前花縣復鳴琴於後而爾乃廉靜以禔躬儼守  
青氈之故步精勤以集事克恢游刃之新硯卓有惠  
我嘉師吏畏民懷之績焉所司以治狀聞特授爾階  
文林郎夫南安固昔程珦周敦頤所嘗宦其土者爾

既以經術起家亦惟先民之典型是程大猷是經以  
光我譽命欽哉  
勅曰夫良吏殫心民事靡顧其私則內助不可誣也  
故課績疏榮爰及閨闈爾江西南安府大庾縣知縣  
毛秉光妻陳氏冲儀有則淑德無愆早作儷於儒英  
能恪共乎婦順用裨素業迄就榮名宰牧奏功益徵  
交倣是用封爾爲孺人式昭象服之輝益勵雞鳴之

皇帝訓曰知思貞吏以於惠黎示勤以率於興津良者

大猷

率

奉

大承運

皇帝制曰沛嗣庸之慶典茂對皇庶敷錫類

勅孝命毛、聲聞迺光祿寺署正銜加二級試用訓導

萬歷二十二年九月十八日詩禮垂聲前厥孫以樹芳


之於寶里繩其祖武奏懋績於彤廷茲以爾孫克襄

王事馳贈爾為奉直大夫錫之誥命於戲闕堂構以

培基德鑑來慶沛絲綸而錫命光贊天章

制曰德門衍慶淵源基裕夫孫體盛世推恩諭

錫命於戲闕堂構以培基德鑑來慶沛絲綸而錫命光贊天章



毛氏族譜

卷首中 勅


三

衣思堂



命公...  
 大長...  
 故...  
 之...  
 萬...  
 使...

故...  
 之...  
 萬...  
 使...



奉

天承運

皇帝制曰沛酬庸之慶典茂對皇庥敷錫類之殊榮曲成  
同臣孝爾毛聲聞迺光祿寺署正銜加二級試用訓導  
毛毓璘之祖父箕裘紹緒詩禮垂聲詒厥孫謀樹芳  
規於珂里繩其祖武奏懋績於彤廷茲以爾孫克襄  
王事貤贈爾爲奉直大夫錫之誥命於戲開堂構以  
培基德鍾家慶沛絲綸而錫命光賁天章  
制曰德門衍慶淵源早裕夫孫謀盛世推恩綸綍載  
揚夫母範爾李氏迺光祿寺署正銜加二級試用訓

導毛毓璘之祖母高門毓德華閱傳芳有穀貽孫賴  
 同心於內助自天申命表異數於中閨茲以爾孫克  
 襄王事賤贈爾為宜人於戲光生禴翟常昭彤管之  
 輝德婉珩璜用煥紫泥之彩之指命之始開堂勸以  
 制慈誥之脈父箕裘絲絲指斷垂馨請烈烈藉樹共

同治九年十二月十九日寺署五函吡二錄指用隨筆

皇帝之曰寶爾爾之與典茲博皇和煥燦燦之極榮由

天承數

率

奉

天承運

皇帝制曰考績疏庸特重推恩之典服官資敬聿推式穀  
同之功爾毛登賢迺光祿寺署正銜加二級試用訓導  
毛毓璘之父世擅清門代傳素業家風忠厚垂弓冶  
之良模庭訓方嚴啓詩書之令緒茲以爾子克襄王  
事封爾爲奉直大夫錫之誥命於戲薄籛金而示誨  
世澤常延錫鞶帶以加榮天庥弗替  
制曰官學方成讀父書而繼業愛勞交備奉母訓以  
揚名爾仇氏迺光祿寺署正銜加二級試用訓導毛

毓璘之母克樹芳型尤多慈教著成筐之雅範早知  
率禮無愆寓徙宅之深心果見克家有子茲以爾子  
克襄王事贈爾為宜人榮戲彤毫灑潤爰推顧復之  
恩彩翟流芳彌振賢明之譽命妣趙氏金而示  
制誥之父廿廿廿門外軒素業寒風忠厚垂白

同治九年十月十九日寺署五函城二錄用隨

皇帝之曰寶蘇緬蘇蘇重蘇恩之典與官資婚率蘇去蘇

天承

奉

侍

講

維

瞻

公



毛氏奕普

金首下像

一



莊居五柳位近三槐地曰

人顯行與時偕金石莫破

糊塗盡措其儀不忒厥德

言乖

宛邱王侯



度 支 判 官 允 聘 公



毛氏侯普

卷首下像

二

承恩堂



六事以廉為本九式  
 以節為先觀形容於  
 今日想儀度於當年  
 如此公者尚何閒然

年姪張九成拜題

侍 御 史 叔 度 公



史氏奕普

卷首下像

三

史思



挺大節嶽懷方風生

臺閣望著官常既辭槐

棘爰植梓桑遺嶽共仰

歷么彌光

定海沈煥



禮部郎中 謹倫公



毛氏侯普

卷首下像

四

承恩堂

敷行不急密，變之無遺。器量寬廣。

綜理咸宜，有儀可象。昧一我里古。

所謂郎官，上應列宿，務得其人。

者於斯見之。雪齋好忘時。

觀 察 使 寶 章 公



三氏漢普

卷首下像

五

永思堂

三上  
方  
言  
贊  
五  
五  
忠規謹論奮不顧身未出宰而剔蠹  
先入告而批鱗遠治西蜀良法宜民  
振肅風化咸與維新非特當時畏之  
者以為難犯愛之者以為可親即今  
展斯像也猶然望之如神

淮南楊襲璋題

大 理 卿 鴻 甫 公



毛氏族譜

卷首下像


六

文忠堂



君書屏，呂旌其直臣，建坊  
 以顯其榮，培朝廷心，元氣  
 振家世心，令名覩此象，形  
 惟肖儼然，軒豁呈露磊落  
 光明如公者，詎止為一眚  
 之望，洵足為三代之英。

見 崑 葉仲凱



翰 林 院 檢 討 惟 振 公



毛氏疾普

卷首六像

天恩堂

屈宋班馬摘艷薰香春容大雅  
藻耀高翔外固風流文采內本  
日用儉常所以纂脩敘事簡核  
精詳迄今瞻拜公像亦恍見弗  
庸徒飾而自然金玉其相

六安汪立信

縣

丞

惟

宣

公



毛氏奕普

卷首下像

永思堂


三五方言  
名首一贊  
元見堂

撫字心勞催科政拙明月

入懷清風比節擬之議之

斯為吏中之仙人中之傑

慈水方達材



郡 守 五 貴 公



毛氏溪普

卷首下像

九

永恩堂

功·德·立·不·朽·者·三·才·行·無·可  
貴·者·五·醴·生·井·水·愛·共·棠·甘·雲  
隔·關·山·懷·同·瓜·苦·生·而·澤·被·彼  
都·死·則·魂·歸·故·土·想·像·形·容·如  
名·如·杜  
半·邨·厲·元·吉

支 祖 貴 誠 公



毛氏侯普

卷首下像


承恩堂



三五方言  
名首一贊  
元思堂

肯堂肯構爰宅於茲以  
似以續聚族於斯保世  
滋大受祿馨宜其人如  
玉我儀圖之

鉅野馬驥



封翁尚義公



毛氏族譜

卷首下像

二


永思堂

服古之衣冠而有古人之

心慶澤延及于子孫是

善君子也積德之深

易里華福



白髮蒼顏長裾濶袂聞達不求於時善  
慶迺延於世秀鍾令子既登名賢科澤  
漑芳孫復接跡顯仕是其優游田里固  
將貽龐氏之安而高大門閭之終遂于公  
之志嗚呼斯人也非所謂積陰德於冥  
之中為子孫長久之計者耶

四門謝選

存心也宏粹然仁守之正制事也毅截然  
 義割之方儉以奉已而以樸素為貴遜以  
 接人而以含忍為強是以德之積者日盛  
 業之脩者日昌初發於諸子桂林一枝  
 獨秀再發於諸孫蘭階兩葉聯芳是文  
 益顯其名益彰隆其生也未有至奎廡之  
 粟以隆于孝養而卒死也豈母之倫綽之  
 音以闡其幽光也邪 古路黃詔

嘉 議 大 夫 思 菴 公



毛氏漢普

卷首下像

三

永思堂

三五方言  
名首  
贊  
三五  
元昆堂

操守廉鯁志氣嚴明文武無

備心跡雙清丹忱報國青史

垂名聲靈赫濯雖死猶生

月峯孫鑛

嘉 類 大 法 思 恭 公

賜進士贈刑部主事翊齋公

天

一

翊

齋

公

公

公

公



毛氏族譜

卷首下像

一

公



冲學卓推青

粹奮榮交天

心跡名擢一

器雲動心鶴

宏衢公為

博英卿儀

心姿交心

江左魏瀚

參

政

拙

菴

公



毛氏族譜

卷首下像

七

永思堂

三上方言  
卷首一贊  
三  
元思堂

瞻望豐山惟鄰是卜緬想


桐江有書可讀克嗣父風

更詒孫穀昭質無虧遺像

甚肅

陽明山人

兵 備 副 使 蕨 南 公



毛氏奕普

卷首下像

七

永思堂


文章華國科第傳家清心

如水純品無瑕奉茲俎豆延

及榜花穰降福綵綿生瓜

蘄水周鳴埴

公南燕臨謝



刑部郎中恆齋公



毛氏侯普

卷首下像

三

永思堂

陵古轢今超前軼後有馘

有為可大可久權貴寒心

豪強斂手跂予望之泰山

北斗

子婿謝至百拜

師



鎮 撫 贊 畫 江 厓 公



毛氏奕普

金首下像

大

承恩堂





倨強者此老矍鑠哉是箭既

拍揮而如意復顧盼以自雄

當此臨之在上猶覺神骨重

使人敢下風  
白川諸大倫

題



總

戎

萬

槐

公



毛氏侯普

卷首下像

七

永思堂


弓挽六鈞楊穿百步樹之

風聲馳以露布山海一關

金湯永固叩其胷中甲兵

萬數

鳳亭趙元明



翰 林 院 編 修 春 臺 公



毛氏矣普

卷首下像

三

永思堂

蔡邕黃絹張鷟青錢  
老章

有價品目斯傳春秋方富

風月無邊出塵儀表望之

儼然

松江王球

三五方言

名首一贊

三

元思堂

參 將 斗 麓 公



毛氏矣普

卷首下像

三

天恩堂

三五方言  
卷首一贊  
三  
元思堂

希綸中羽扇之風  
效緩

帶輕裘之度  
漢代以來

將材有數  
平時願為執

鞭對此  
益生忻慕  
長洲蔣燦

別駕雲池公



毛氏奕普

卷首下 像

三

永思堂



十年讀書一行作吏善俗

宜民興道致治考厥上功

遂其初志歸老碧山別有

天地

霑化丁懋遠

三上放言

名首一贊

三

元昆堂

副 總 兵 雲 臺 公



三武英譜

卷首下 像

三

天恩堂

堂之陣正之旗運當

革命師或輿尸一心如矢

九死奚存凜然生氣畢現

賴肩

崑山余國柱



監 河 參 軍 緘 所 公



毛氏矣普

卷首下像

音

永思堂

秉性忠貞存心渾厚德在

生民仁及枯朽願借寇君

感襄杜母碑勒去思天長

地久

朱瀛達



中 憲 大 夫 霽 陽 公



三氏美譜

卷首六像

三

永思堂

三正方言  
卷首一贊  
三  
元思堂

德惟善政惠我嘉師廣文

一謝錫命三移武岡詹仰

大庾謳思其人斯在尚克

見之

平湖韓子祁

侍御史叔度毛公行狀堂天陣下無異國州金題

公諱度字叔度以字行世居汴梁之陳畱系出魏尚書僕射玠之後大父維瞻由瑞州守遷爾英閣侍講文章政事聞於當世祖母向氏敏中之孫也以椒寢之親相府之裔無富貴相人皆賢之父允聘度支判官素尚清儉母王氏狀元昂之姊也輔相有方兄伯權擢知衢州府事政聲尤著公之生最爲敏悟年甫十餘日記數千言十三歲補邑庠生年二十宣和七年乙巳秋領京闈鄉薦會天下士角藝適女真寇亂悉委家業逃竄深山邃谷間亦讀書肄業不少輟越明年實靖康之二年也虜騎充斥公臥不帖席



人報曰大駕北矣康廕南矣公皇皇無所之人復曰以子之才何患無位公曰某世受宋恩寧死不爲胡虜之臣也卽詢隨乘輿而南至淮虜騎追迫公力不能前幾遇害所負衣資譜牒悉棄罄身偕妻子潛行數十里幸免南渡大江越常蘓而至杭乘輿駐蹕公亦寓焉紹興元年擢直言極諫科登張九成榜進士居第六累遷侍御史彈劾切直人稱有唐介風紹興十年庚申兼左司諫知無不言奸臣秦檜用事力主和議公上書劾其不可其畧曰今良將競起銳卒爭奮文武協心銳意恢復足以有爲之時也奈何秦檜謀國不臧欲使堂堂天朝下爲屬國快金虜一旦之

心貽華夏萬世之恥况敵情多詐必至渝盟異日狼貪庸  
有極乎云云不報同年張九成喻樛陳剛中凌景夏樊光  
遠元興亦各上書檜誘之曰諸君且成檜此一事九成曰  
胡爲異議特不可輕易以苟安耳公不答拂衣而起檜悉  
銜之以爲謗訕和議貶張九成輩官秩有差公黜爲餘姚  
縣丞公撫字勤勞士民愛戴自料權奸典選無由近侍故  
鄉淪沒不可復歸擇邑治之西龍泉山之東面江築室使  
家累居之而貫籍焉祖宗墳墓在汴不克以時拜掃親戚  
播四方弗克會晤歲時伏臘北面悲慟聞者莫不悽惋一  
旦疾作其子謹倫歸省公語之曰我職當言路不能梗遏


和議致使中原陸沉朝廷仇恥不雪死不瞑目汝春秋富  
矣勉之勉之乾道六年庚寅十月初三卒於廨宇百姓哀  
之罷市將以今年十月初七葬於邑之西北塔子山公娶  
宋氏翰林學士雍邱郊之孫也有淑行歷艱涉險處之晏  
如相夫教子各盡其方可謂賢矣生子三謹彛謹倫謹常  
長三子早卒次子謹倫任禮部郎中孫一舉明甫就塾  
志學公生於崇寧五年丙戌享年六十五以儒業進身遭  
世多艱而得令終蓋盡忠愛民之德以致上蒼報施之不  
爽也噫世之如公者能多見耶予故忘其固陋爲公書其  
行實以俟後世之秉史筆者錄之云爾

乾道七年辛卯二月上澆明州教授姚江莫叔光狀

按莫公字仲謙舉進士調永豐尉中學官試歷明涂三  
州教授又中博學宏詞科歷著作郎尋除起居舍人直  
二言敢諫入西掖纔三年論駁至數十事除權吏部侍郎  
兼秘書監卒諡文清知之悉矣請益述之以誌

歎曰君與余亦仕有硯席之舊既任有資主之好義可得  
而辭乎君諱公字五貴行仲四君會稽之餘姚詩禮家  
也嘗大父諱舉明四州觀察使風節緝奸厥振西對大父  
孫遇順遷大理卿舉勳不避權威理案書其名於

和議致使中原陸沉朝廷仇恥不雪死不暇言  
次勉之勉之乾道六年庚寅十月初三日卒於  
之罷市野以今年十月初七日葬於邑之西地  
宋氏翰林學士雍邱郊之孫也有淑行歷艱涉險處之晏  
如相夫教子各盡其方可謂賢矣生子三諫奏議倫諱常  
長兼懋書說卒續文徵倫任禮部郎中孫一舉明甫就塾  
志言頌賴人西州懋三平鏡效至樓十事糾懋來體對瀨  
世慨錄懋及中懋學宋臨錄頌著前浪暴利跋母舍人直  
爽姓莫公字外籍舉進士國派豐操忠學官婦頌即翁三  
諫後少承辛取之異止崇地陳錄懋為莫姓米米



郡守五貴毛公行狀出取類賦撰贈錄

是歲三月朔旦郡守毛君五貴終於官其孤成珪輩踵庠  
告余曰先君奄棄更遭喪亂欲奉冰回越路有不虞敢於  
二十一日庚申卜葬於潭州境內周山之龍巖先生與先  
君相與有年生平行實知之悉矣請盡述之以誌於墓余  
歎曰君與余未仕有硯席之舊旣仕有賓主之好義可得  
而辭乎君諱公字五貴行仲四居會稽之餘姚詩禮望族  
也曾大父諱舉明四川觀察使風紀緝奸威振西蜀大父  
諱遇順遷大理卿彈劾不避權威理宗書其名於御屏父  
諱鐸翰林檢討君生而夙異志承前烈父老咸曰奇哉此

子至長必貴弱年加冠請賓字之賓曰五貴內翰曰何義也答曰子之可貴者有五談吐成章言之可貴也進退中禮動之可貴也筆翰淋漓才之可貴也姿容俊美貌之可貴也親師友孝父母渾然天成德之可貴也內翰起謝之曰惟先生所命年二十五領浙江鄉薦卒業太學至三十初授四川清神縣丞適邑宰缺員掌政興學校教稼穡抑強悍郵糞獨輕徭薄賦旌德懲奸邑以大治擢滄州判官年三十五以外艱去官百姓如失怙恃年三十八陞滄州清池縣令井水鹹母夫人莫氏苦之君食不下咽乃於舍北穿地作井甘泉湧出如醴人咸謂孝感所致云君又請

於母曰父母之養人皆有之願推其餘以濟邑民之父母  
夫人悅之乃令邑民任自取汲弗汝禁也邑民喜服各其  
井曰毛公井是以賢聲益著驟遷潭州郡守適母夫人以  
壽終送喪回籍合葬哀毀尤甚服闋起復前任親賢養老  
勸農練卒崇堞濬池厲兵積穀以爲戰守計敵聞有備不  
犯其境民賴以安君娶張氏同邑祥五刺史之女有懿行  
生子二曰成珪成璋皆讀書未仕女成玉適鄞之侍御史  
李文君生於嘉定庚午享年五十六嗚呼君以儒業發身  
事親以孝牧民以德地湧甘泉孝感所致驟遷郡守政美  
而然敵畏不入民安其生非才兼文武者不能潭之民皆



仰之若父母恨天奪吾父母之速者同然使假之以年則  
 豐功偉績豈如斯而已乎余故述其梗概以俟立言君子  
 為文以誌其墓旌善明良為祠以祀其靈則芳聲美政與  
 石同朽使郡民得以四時瞻拜千載故鄉之子子孫孫或  
 不遠千里而時來祭掃者或仕宦省郡而念祖宗一脈者  
 見此為有徵是君雖死而猶生也庶可瞑目於地下矣時  
 咸淳元年乙丑五月上浣潭州郡儒學教授余安裕狀  
 其曰手公此景以翼豐登普觀聖林澤定獻母法法起  
 夫八例之亦合品員升自類也禁出昌吳喜則答其  
 然自曰父母之養人皆存之願其繪以禮過吳之父母

忠襄公行蹟集錄

公諱吉字宗吉號思菴先世宋紹興初進士仕至奉議大夫累遷侍御史叔度公爲梗秦檜和議貶餘姚縣丞因貫籍焉由宋而元而明至公爲第十三世公自幼穎悟書過目輒成誦弱冠從鄉先生陳公雲鵬習舉子業探索剖析日有所進爲文典則純雅以說理爲宗先生甚器重之所著有觀易闕疑十二卷性剛直尤嫉惡自在邑校時見鄉人顯宦歸或挾勢以凌鄉曲而於郡之長吏則卑卑以希合輒毅然形見顏色曰我得志弗爲也正統甲子中鄉試明年丁父喪哀毀幾滅性葬祭悉遵朱氏禮兄諱洪公嘗

病疫公侍湯藥未嘗離左右或謂是病有傳染不宜近公曰吾知篤親親之誼而已傳染非所避也其孝友類如此載試禮部皆乙榜不屑就登景泰甲戌進士授刑部廣東清吏司主事故事十三清吏司分理在京諸司刑獄廣東司轄錦衣衛衛卒伺察百僚官陰事攬摭得分寸書片楮入奏不復核實輒當以罪公卿大夫莫不惴恐奉承之惟謹公行請託莫敢違抗甚至以罪被逮法司亦不加捶撻公獨執法不撓有逮至者必重懲之畧無所顧忌其人至以俚語曰公曰毛葛刺時長衛者門達怙寵大肆羅織勢燄燦人百官遇諸塗率避馬公遇之獨舉鞭拱手過彼愕

然顧左右曰此非刑部毛葛刺耶益銜之其徒百計求公  
短長訖不可得適公偶以疾失誤朝參命錦衣衛鞫之其  
黨走報其長曰毛葛刺來矣達大喜乃預簡卒之強忍者  
掄巨梃待公公至僅榜十有五骨見矣眾意公必死適有  
僧同在繫見公創甚而無悲苦容委曲事公得不死旣而  
隨眾例得復職眾咸曰毛葛刺自此創懲改節矣及蒞職  
操法愈嚴天順庚辰勅封承德郎時武臣多倚迎復之功  
怙勢弄權因陸杲石亨張輓及門達等據法相抗不能少  
容明年陞廣東按察司僉事當時廣城以西流賊殺虜居  
民殆盡其東潮惠等府山海等賊蠡起先是海道等官提

兵對劄三年坐視殺傷生靈畧無成功巡撫葉都御史聞公陞以爲得人預定分巡嶺東等道差官馳驛迎促上任卽往潮州先以禮道責都司等官又痛治管軍官員遂親督戰其投降擒斬者相半又豪家太戶武斷吞併積習成俗公知其弊痛懲之豪右斂跡及期當代潮州民相率籲畱之赴巡撫大臣願借公一年於是檄載往程鄉等縣山賊甚衆僭稱大王僉摠公主等號先是楊輝者故劇賊羅劉寧黨也流寓惠之長樂縣劉寧敗遁往贛之安遠招集餘眾於閩廣江西之交大肆剽掠時官軍皆征廣西公不得已招之輝等從命復業比公還惠府而輝等復起剽掠

如故公載至賊勢益大據上下寶龍峒其黨曾玉等據石坑峒謝瑩據龍歸峒破江西之安遠福建之上杭二縣遠近騷然諜報賊攻程鄉縣治日期公曰賊勢眾矣與其臨時拒敵孰若先事制之乃命縣長吏密集民壯并招旁近官軍僅得七百人即日倍行三百里至赤珠坑翼日又行三十里至石坑峒賊數人負米出峒眾欲奮擊之公曰舍之毋驚動賊眾少頃賊知官軍至以數千人陳山賊眾我寡士卒有懼色公躬擐甲胄督戰於是士卒爭奮自辰至午戰數十合賊遂敗走生擒曾玉及其徒二十餘人斬首三百餘級乘勝破龍歸峒獲謝瑩又明日直搗下寶龍峒

輝眾陳石崖上。公軍陳水中。相持久之。公以戰不得地。亟分兵繞出。其後賊莫測。遂潰擒輝。前後擒斬一千四百餘人。餘黨悉平。是時也。士卒不損一人。犒賞糧餉皆出於臨時。調度不取於官。不斂於民。又獲白金三千餘兩。他物稱是。悉以送官。巡撫大臣以其功狀聞。未報而高雷廉等處流賊十分猖獗。三府軍民告請救急。撫按衙門又委分巡雷廉帶管高州一府人民。爲賊所殺虜。什七八。道路蕪塞數百里間。無復烟火。公攬轡四顧。惻然不忍。以削平寇賊爲己任。抵所部。城門晝閉。盡畏賊不敢出。郡守從鞭繫城中。殘民追徵不已。公至首命止之。百姓如獲更生。分守郡

指揮等官櫻城擁兵任賊或十數人或三五十人驅脅子女以千百數日過城下不肯出一騎發一矢甚或燕飲酣歌若罔聞知吏民以賊告輒加捶撻有自賊中逸歸者輒誣以通賊撲殺之自是生民進退失據無復生路矣公歎曰此方之民何多辜哉是雖一時官將之責抑亦督責者之過也時雷州海康知縣王騏獨奮不顧身日以義激其民賊至輒奮擊爲眾所嫉公獨壯其勇節獎勵之適報賊劫大體村公時在雷州移文都指揮出軍擊賊彼畏縮不敢出公以大義激之亦不從公卽與騏督民壯躬抵賊所戰敗之斬首數百級奪回被虜人畜無數賊作三支犯吳



州縣界公覘知其一近河道卽令騏乘小舟出賊不意襲破之得虜首六十餘級二支聞風遁去所部乃寧適又廣西流賊逼近省城城外驚奔入城者白晝爭擁軍民自相蹂躪而死不下百數彼時廣西參將某因公事在城檄領都司等官將兵出北門捍禦各官懷奸故從閔道反在賊後賊漸近城官舍居民相向而哭城中無策幸而報公自高雷廉寧靜回司民心稍定鎮守撫按三司力勸公禦賊止帶二司皂隸近百餘人先勒馬向各城門令軍民各安居業其奔擁入城者乃止亦從閔道趨都司營因見各官懦弱之甚全無鬪志歷諭以國法利害遂起參奏稿是以

參將以下官頗知畏懼乃振作軍士嚴明號令遂躬親督  
戰賊聞毛家軍來矣遂奔潰夤夜追逐凡十晝夜擒斬頗  
多廣城始獲保全南海流溪等村居民皆設生城隍毛老  
爺牌位奉祀拜祝焉公在省四載前後征討三十餘陣收  
降賊首吳孔耀許萬七陳廣乾王公攬胡公彪李斌并叛  
逆軍餘數萬斬殺賊首林茂二許經蔡尾楊賜楊飛高安  
蕭豐并楊輝曾玉謝瑩等八千餘級自廣紹肇慶高雷廉  
潮惠等府所屬地方悉賴保障兵部獻公績上嘉其勞內  
批陞公本司副使降勅獎諭委總一方軍務勅至公益感  
激思報而騏亦因公薦陞雷州通判成化乙酉正月賊東

出惠之河源轉掠韶之翁源公率官軍二千兼程進兵敗之舖前又敗之長峯徑口賊遁至清源縣守將遇之戰北公亟進援之賊見旗幟遂西奔踰月新會報賊會同廣西流賊欲合勢併力攻城公檄諸練兵未至率都督指揮孫碧等官軍三千人至新會又得民之自効者近萬人明日行至大磴與賊遇戰破之獲首三十餘級乘勝追至雲岫山去賊營十餘里時已乙夜公號召諸將曰賊營後山菁而前畝田左右皆山隴若敗必遁入後山爾等明日分兩哨進據其後我以精銳衝其前賊可盡圖也約以雞鳴蓐食黎明進兵是夜無星月遂至後期不得已三哨齊進賊

果敗走棄營攜妻子入後山公命前驅潘百戶率精壯千人據賊營軍士因狃勝突入賊據高瞭見兵亂遂擁眾馳下刺殺潘軍士皆自營門擁出賊自後迫之與右哨指揮閻華遇力戰久之公命某往援某承命不赴華馬躡亦爲賊所刺諸軍遂奔潰公勒馬持刀大呼曰劄住劄住眾已潰勢不可復畱從吏廖振等勸公宜隨眾姑避之以圖再舉公厲聲曰誓不與此賊俱生今眾多被殺傷我爲朝廷臣子焉敢獨生耶汝等急走勿顧我言未已賊以七八人持鎗趨至公且罵且敵猶手劍斷一賊臂力不能支遂被害時三月一日也是日晝晦烈風雷雨大作山谷震動連

日陰暗遺孤諱科字拙菴公年甫十三嚙命指血於積屍  
中尋遺屍不可得顙天泣誓曰吾父死忠臣節盡矣不得  
父屍何以爲子有死而已卽挺身奔赴率麾下夜以火焚  
賊寨時疫癘大作火光中彷彿見公狀病者告毛老爺饒  
命以是賊疑神火棄公屍逃始得屍越七日矣面貌如生  
昇歸廣城官吏士民奠哭相屬於道新會縣令陶公魯徵  
諸能言者賦詩以爲輓輯爲一帙屬天台許公端宏序之  
卒歎曰於乎見危授命威武不屈此儒生之常談也能踐  
其言者千百中乏什一焉今公之勇烈如此其英風真氣  
足以使天下之忠良有所勸彼任其事而怠其職者得不

悚慄而內疚乎是則公之志雖不得大伸於時而名之曠  
聞也與星辰列山岳峙悠久而不息夫豈碌碌虛談之可  
擬哉世有身旣沒忽若飄風已過而人不少畱意者視公  
孰得而孰失耶是公之行尤足以致人之稱道而悲慨賦  
詩以輓之宜矣其他輓詩不啻千百厥後李東陽姜立綱  
李夢陽諸公同邑如謝木齋王陽明孫月峯諸公皆有真  
墨蹟并爲文以祭之公死時年四十有二其出軍也藩司  
將白金千兩充行軍犒賞委懷遠驛丞余文司出納已用  
十之三矣文憫公忠而貧死無以爲歸喪費所餘銀七百  
兩密授家僕持歸是夜僕之婦忽出中堂據正坐作公平

時聲令左右請夏憲長來舉家皆驚懼走告近廨沈經歷  
報僉憲胡公希仁亟來瞪目視胡曰非也頃之按察使夏  
公壘至乃起揖而言曰某受國恩不幸死於賊自無餘憾  
但余文以犒賞餘銀已付來家雖官府無文簿可考而某  
生平玉潔肯含垢入地乎哉願亟追還官某瞑目矣言畢  
仆地少頃始甦竟不知所云拙菴公扶櫬回驛知其事曰  
父靈耿耿尚爾堅貞爲子者敢不完父名節哉於是呈官  
歸庫有司具以聞皇上爲之嗟悼馳驛還喪今墓在本邑  
風山之西夏白舉當時浙江按察使曾公蒙簡作墓誌翰  
林院學士莆田柯公作墓表末云公之世次履歷已具誌

於幽坎余復述其在廣之事以表公忠節昭子之孝行且  
俾夫貪功竊祿而苟生者知所愧焉九月贈廣東按察司  
按察使賜家齋糧四十石麻布四十匹并備祭禮香燭遣  
行人秦民悅諭祭明年又追贈嘉議大夫錄拙菴公入國  
子監尋登戊戌進士授南京工部主事歷山東兵備副使  
貴州提學副使雲南左參政卒祀鄉賢孫諱勳字碧山公  
廕錦衣衛千戶世襲優卹其家永蠲丁役今邑志載優免  
田合孫忠烈公共十頃五十三畝時公之友人翰林侍講  
瓊山邱公爲公作傳歎曰嗟乎君生而廉勁不阿旣死而  
英爽不昧如此而世之便己自文者或誣君以激變蟻君



以賊私是尙有人心哉。戊戌朝廷贈諡忠襄。弘治辛亥命鄉邦像以祀之。我姚之祠在汪姥橋東五十步。有司春秋致祭。正德甲戌開州劉公來尹。我邑崇敬忠節獎勵風化。首問公祠。秉虔謁奠。顧瞻左右。尚缺貞石。慨夫過茲祠者。欽仰之餘。曷由考識。於是斷石爲碑。邑人翰林院庶吉士小野倪公作記。謂公之忠節一時名公有傳。有狀。有銘。有表。耀錡耳目。不可掩覆。茲特掇而言之。後言公以儒起家。勇冠三軍。將畧天授。所至成功。一挫身死。而偉功不就。後人遂不奇其功。而奇其死也。考公未死以前。其所爲嫉邪惡。摧權貴。磊磊落落。固足以見其忠節之實行。旣其死也。

其英爽之耿耿者爲風雨雷霆不忍以私污尤不能掩其忠節之實心然則公其始終皎皎者豈特以一死爲竒哉廣東人被公之德者祀之水旱疾疫禱之輒應威神之况茲鄉公之所生其山川公英靈所由萃也人之神之也宜哉且歌曰龍山巖從兮邦人仰止厥潤攸長兮姚江之水挺生公傑兮秉直如矢仗節而死兮爲雷霆風雨有赫其靈兮淫禍善社護持鄉邦兮佐尹之理嘉靖丙寅儒學教諭周公大章嶺南人也素慕公之風先是島夷中寇周公倡集義旅捍衛郡邑每以公之事備陳從事軍校用鼓其氣慷慨自負欲如公之以死報國至是來就教次日卽求

公祠而謁焉。展拜石像凜凜如生，以牲醴之奠爲文致祭。謂公既有戰功，復有死節，斯廟祀宜崇。云祠之在廣東者，其初縣令陶公率居民祀公於恩平道側。巡按御史葛公奏請立祠有司，苟簡從事，乃僅祔於都憲楊公之祠。輿論未愜，僉憲李公古冲議改正位南面，以爲廟祀。論功德不論勢位，衆以爲然而未果。嘉靖丁酉，提學吳公瑞泉復以三學師生專祠之請議上，提督府石泉潘公允之，曰曠典也可以舉矣。侍御公來齋，公之從孫也。適奉命按廣益訪公之行事於故老，載籍廣之士民蹙然興思。於是藩臬陸石涇、葉寅齋諸公咸贊厥成。郡守鄭公炯實任其事，乃撤

已毀珠池公館爲祠正位專祀赫然斯稱大學士南海方  
公爲之記并述其先祖亭秋翁哭公詩云經文緯武六韜  
明膽氣堂堂合用兵憂國早知心獨苦誓天不與賊俱生  
十年未佩封侯印百戰空垂異代名欲奠忠魂何處問沙  
江如雪水無聲又見翰林院湖州嚴海珊公有詩曰飛騰  
四十鑿凶門大磴窮追賊蟻屯馬革燐埋京觀火劍鋒鬼  
嘯戰場魂生前巨槌傷門達死後遺金授夏墟風雨亦知  
毛葛刺怒搗天鼓下黃昏皆實蹟也

自前明來莫不知餘姚毛氏忠襄公矣况我邑人哉况  
我族人哉綸向有志於修譜曾遍採先代遺文於各家

藏本而於公之事較詳今為統其始末敘次如右挂漏  
 舛譌容或不免但就各鈔本中節其繁複闕其疑似不  
 予敢妄自增竄一字用以傳信云爾  
 道光乙酉冬日孫志綸謹識  
 祖風雨木咬  
 四十鑿齒門大嶽嶺  
 西華嶽對京賸火險餘東  
 武收霍水鯨驚久昆嶺林剝時地  
 蠶織嘔公肯精日派  
 主筆未風樓對甲首輝空垂異升  
 各始奠忠斷何與問心  
 則創辰堂堂合用共憂樹早映心  
 斷苦菩天不與翅財主  
 公為文晴共戲其去麻亭添徐吳  
 公精矢蘇文蘇在六  
 麟  
 山選  
 此  
 公  
 爵  
 為  
 師  
 五  
 幼  
 專  
 師  
 赫  
 然  
 祺  
 蘇  
 大  
 學  
 士  
 南  
 齊  
 式

進士贈刑部主事翊齋毛公行狀  
公姓毛氏諱傑字允奇別號翊齋先生其先世居陳畱秦  
漢魏晉隋唐閒代有聞人至宋簪纓尤盛有諱度字叔度  
者隨宋高宗南渡登張九成榜進士累遷侍御史左司諫  
爲梗遏和議權奸相與排之謫餘姚縣丞因築室於邑西  
鄧巷口使子居之而貫籍焉有字謹倫者爲禮部郎中字  
寶章者爲四川提刑觀察使字鴻甫者爲侍御史遷大理  
卿字惟振者爲翰林檢討字五貴者由清池縣令遷潭州  
郡守之數公者文章政事至今膾炙人口曾祖諱泰字叔  
泰祖諱白字元素父諱雍字堯夫別號尙義先生皆抱道

自高不爲世用。公童稚時志向高遠，巍然如老成人。年十四五，卽能操筆爲文。從同邑左布政使陳雲鵬，授舉子業。遂哀然出眾，領景泰庚午浙江鄉試。甲戌與叔父諱吉字宗吉者同登孫賢榜進士。公試吏部考政時，天官卿王公翽端重嚴毅，慎許可曰：公之天性冲融，溫粹言動有則與考功郎中陳公疊、員外郎蕭公燹、主事張公璘輩皆以偉器稱之。凡同年之試政天曹者，如同邑陳公雲字時望、魏公瀚字孔淵、嘉興金公禮字敬之、河南李公良朝、女相謂曰：公得此亦榮且甚矣。以雙親垂白，定省久違，因思致疾。上章乞歸，天官卿欲畱之，不可，促裝南歸。抵家幾半月，以

十二月十一日卒於正寢公生永樂壬寅十月二十八日  
逮是年三十三矣訃聞公卿大夫莫不驚悼至於嗚咽流  
涕者以後葬於蕨萊山西麓厥配周氏乃名家女淑慎令  
儀有相之道子二長曰憲次曰宥女淑貞皆尙在童稚周  
益勵厥操教育成人娶長男婦華乃司訓冕之女次男婦  
周乃守岡之姪女淑貞適四明孫皦乃郡守經之從弟周  
方以自慰而朝夕間未始不以公之志願未伸爲恨因乘  
閒請於舅氏尚義先生姑黃太孺人曰男室女家惟舅姑  
之庇夫早卒志未伸幸長男憲讀書好學盍遣就邑庠以  
伸先人之志舅姑欣然答曰此誠美事吾志亦久矣適李



公良拜監察御史巡按浙江遣補邑庠弟子員讀書每至  
夜分周必勤事紡績與之共燈火丸熊瀹茗以資勤苦尋  
領浙江鄉薦刻其文繼登成化辛丑壬華榜進士授刑部  
主事守己執法讞獄多所平反上下稱之時孝宗皇帝詔  
廷臣之勞績著聞者制誥勅以獎異之且推恩所生於是  
贈公承直郎刑部主事周封太安人公始瞑目地下而周  
亦慰所願矣嗚呼盛哉憲敷歷旣久政譽益張歷陞四川  
憲僉湖廣憲副陟要路行可指日奈以太安人年幾九秩  
熒熒在堂寒燠晨昏伊誰之託遂致政東歸聚子母於一  
堂承慈顏於膝下其樂爲何如哉無何太安人以疾卒憲

痛幾絕盡心喪事凡附於身附於棺者不使有少悔焉卽  
年合葬公之先隴孫男三孟曰純先太安人卒仲曰繡字  
文炳補邑庠弟子員養垂雲之翼將大有所奮揚者也季  
曰約善理家務曾孫七長曰紹元領鄉薦次茂元景元宗  
元卿元朝元毓元讀書循禮所就未可量也此皆公與太  
安人盛德之報易曰積善之家必有餘慶殆謂是歟余與  
憲同序蜀臬情孚意契真異姓兄弟也旣憲致政東歸余  
謬官南雍密邇江浙聲問屢通憲兄弟慮其先德之或泯  
也因其孫卒業南雍以公與太安人行實請狀於余余故  
述其梗槩以俟後之作銘誌者采焉時

正德癸酉夏五月之廿八日

賜進士及第中順大夫南京國子監祭酒前翰林院編修

兼修國史濟南王勅嘉諭狀

憲同亭置臬部系憲獎真異技只

其人勉勵之辨長曰懃善之容

不輟示博示誠示齋前甄

曰懃善駐家慈會終少是曰

文和餘昌報忠而員養垂

字合蔡公之武翻終畏三五曰

朕委餘蓋以真事以州效

進士贈刑部主事翊齋毛公墓表

景泰甲戌進士贈刑部主事毛公葬於蕨嶺之西麓且七  
十年來二子按察副使憲及宥持王祭酒所著狀請表墓  
上之石公外舅周處士與先大父光祿公爲內外兄弟先  
大父延公家塾授先君經遷時在襁褓公愛之每撫抱膝  
上先君常爲遷道之遷今髮已種種矣追念夙昔禮義何  
如矧遷與憲副君同遊泮宮復同舉於鄉而吾仲子丕婿  
於公從子秋官郎中實今予曾孫女又許於公元孫儀鳳  
葭玉世倚真古所謂通家者報善之役安所辭哉公諱傑  
字允竒別號翊齋其先汴之陳畱人南宋時有諱度者任

左司諫爲梗遏和議謫餘姚縣丞因家焉是爲公始祖曾祖諱叔泰祖諱白考諱雍咸隱德妣黃氏公生而岐嶷童時卽能操觚爲文思致不羣傳禮經於方伯陳公雲鵬陳公曰此子不用當脫穎出矣景泰庚午領浙江鄉薦甲戌偕從叔今忠襄公登進士第吾姚科第盛一門者遂以毛氏稱首公試政吏部冢宰王忠肅公素慎許可見公言動不苟以偉器稱之公登第後嘗曰學優而仕仕優而學其可遂廢乎乃擇同年友之氣味相投者朝夕文行相砥礪時輩交羨焉未幾以親老乞歸省冢宰而下欲畱之旣而知其以思慕致病遂爲覆其奏上許之抵家疾劇與二親

訣曰兒願畢矣僅旬日而告終是年十二月十一日也距  
生壬寅年十月二十八日得年三十有三訃聞縉紳哀之  
配周氏封太安人享年九十人以爲貞節之報男二長憲  
登成化辛丑進士授刑部主事公之贈以此累官湖廣按  
察副使致仕次子宥女一適四明孫皦孫男三長純學成  
而卒贈刑部主事次文炳領正德丙子鄉薦曾孫男九長  
紹元登正德丁丑科進士授刑部主事純之贈以此今理  
刑淮揚廉能著聲嗟夫天之報施善人不於其身必於其  
後自古迄今無弗驗者公以冲粹之質宏博之學馳驟脩  
途何所不至顧舉步而蹶天其謂何乃有子憲以踵其武

明慎清白譽延所生今也文炳繼之而紹元又繼之駸駸  
向用以不失其世則公何必身自爲之至是天道福善禍  
淫之常亦庶幾其弗爽矣後紹元而生者亦森然玉立三  
槐五桂日蔭日馥豈惟引公之澤於無窮而異時稱世家  
以爲我姚江重必毛氏無疑也庸書以俟時會終畏公矣  
嘉靖二年癸未三月朔旦歲四甲辰朔日畏公之孫學夙  
賜進士及第光祿大夫柱國少傅兼太子太傅禮部尙書  
武英殿大學士致任謝遷讓人以爲貴前文辭畏公之孫  
坐壬寅年十月二十八日於平三十有三情聞錄於墓志  
類曰畏公是矣勤於日而書然畏公十二月十一日也

監河參軍緘所毛公去思碑記  
夫法令條教能服民於一時至於盛德入人心而追慕想  
像感思無窮是豈力與威之所能使哉惟我吳地介在江  
淮間爲東南重鎮賦稅所出不下數十百萬以供國家儲  
費故滸墅一關乃商賈往來軸鱸鱗集市塵交錯爲財利  
之藪然利之所聚藏奸作慝亦不能無則設禁譏察匪惟  
佐國且以禦奸是以我景皇帝深惟却顧立戶部分司通  
商賈禁狡僞爲一代永制今天子御宇丕承休緒海內寧  
宇生齒日繁舟車樓櫓倍盛往時則在其閉者非鴻鉅之  
才曷克勝此任哉故簡在帝心克知俊宅命下高公以總



其成又以庶務委瑣不可無副以分其責迺檄閩州參軍  
毛公以佐之公爲姚江先忠襄公族裔自高曾而下代有  
顯仕蟬聯圭組閩閩甲兩浙其忠貞渾厚仁心義質綽有  
先人風度至裁酌物理審度事幾斡旋有方綜覈得體天  
才縱逸是豈常品所可企及庸眾足以測量者哉故跡其  
行事則置塚掩骼咸捐己貲是仁及枯朽也革冗禁奸僉  
當民志是勞著公私也葺宇備物竇從有賴矣築路修途  
往來得濟矣俘惡諭善良民安堵矣戒吏書以懲役革常  
例以敦廉其閒撫綏和輯濺澤覃恩靡能殫述誠一方之  
民日受其惠而不自知其故茂績底於幾康嘉聞徵於獲

上若開府若監察若漕鹽二院備兵使者合郡寮案無不  
傾德慕義獎薦加殷時議嘉乃丕功將進公於朝爲國家  
理錢穀如劉晏之下不損民上不侵官者同著休美乃公  
竟以東人之望不克久畱夫書之稽勳伐也好廉自克曰  
節擇善而從曰比恩施不爽曰愿貞心大度曰匡擬之公  
則清介自潔政事得民舉措從宜賞罰貞信是將舉大匡  
之謀以爲百世則裨我造邦永孚於休祥人咸謂公實生  
我而豈勤哉我以爲功哉故今茲之行閭閻小民莫不戀  
戀洒泣若失慈母不能叩閭代顛挽公之轍乃圖伐石樹  
碑載列公之懿美以永其思屬予爲之紀其事云公名應

宿字訥卿緘所其別號也恩賜進階朝列大夫前監察御史劉鳳譔人與贈公實坐

萬歷歲在屠維大淵獻嘉平月吉日公之

賜進士第河南按察司僉事兩奉文台開國

恩詔進階朝列大夫前監察御史劉鳳譔人與贈公實坐

賜進士第禮部儀制清吏司主事玉峯諸壽賢書舉大國

賜進士出身兩京刑部郎中吳郡兼山錢有威篆

大使沈垣同舍人耆老諸生里排等共七十八人立石京曰

既發錄收授是文不不財外上不對官春同善本美以公

前謝慕羨樊蕪吹娘執編其以不也無致公外贈盒國宗

其昔開風甚溫察甚曹鹽二刻節天其香台特察察無不



馬氏孺人貞烈傳

王汝會

同善宮里人

馬氏毛子中美妻也。子歸時年纔二十克盡婦道。深  
得翁姑心。相夫子篝燈佐讀。晷刻靡閒。尋夫患瘡。危  
甚。焚香籲天。願以身代。卒不起。氏結禡。方八月。憑屍  
慟哭。誓必殉死。而復甦者再。旣而念翁姑垂老。得不  
死。哀毀骨立。愁眉不稍展。每祭奠。嗚咽吞聲。恐傷翁  
姑之心也。父母憐其少。欲奪其志。氏峻拒之。泣曰。未  
亡人。不卽從夫於地下者。以翁姑在堂。婦道未終耳。  
居無何。父母復迫之。乃縊而死。死之前數日。自言晨  
起。推牕恍惚。聞見牕外紅花數朶。憑空攝去。其後有

紅燈二盞掩映從墓中出入近村夜行者多見之余  
聞之曰宇宙閔殊絕等倫者其精光常有以昭灼於  
人世劍冲牛斗玉化爲虹物固有之入亦宜然今花  
光燈影雖屬疑似要其爲精英之所凝結揆諸理殊  
可信也世有鬚眉男子平日侈談節義臨事局促若  
轅下駒聞此其亦可以少愧矣時念係故筆筆不  
嘉慶甲子春王月長於卒不賦刃論爾六八月懸氣  
賜進士及第小臥夫子善教於館習彼類因長夫患歎  
誥授奉政大夫中書文淵閣檢閱中書舍人前翰林院編修  
戊午湖北主考官壬戌會試同考官里人邵瑛讓

領譜部數

大宗祠祭

存譜一部

并存舊譜一部每年冬祭查閱交代

安二支

給譜一部

東屋村領

安三支

給譜一部

西巷村領

安四支

給譜一部

壽房村領

鵬二房

領譜一部

另出費伍千文

敏六房

領譜一部

另出費伍千文

賓岐房

領譜一部

另出費伍千文

雲岐房

領譜一部

另出費伍千文

建中房

領譜一部

另出費伍千文

東巷

西巷

西巷

西巷

西巷


東屋

巡檢司

蕭陽汪巷等村

汪巷

蕭山二都



俊卿房

東山

領譜一部

另出費伍千文

端一房

南莊

領譜一部

另出費伍千文

三斯堂

陡壘

領譜一部

另出費伍千文

研香房

紹城

領譜一部

另出費伍千文

燕翼堂

北通州

領譜一部

另出費伍千文

性有房

西莊

領譜一部

另出費伍千文

蕨莊房

西莊

領譜一部

另出費貳千文 存祠舊譜遭難被失 今此房出舊譜存祠故領費減收

詠舫房

西莊

領譜一部

另出費伍千文

士彰房

西莊

給譜一部


因子一來襄事不領辛俸故另給

恪菴房

東莊

領譜一部

另出費伍千文



東園房 舊宅

領譜一部 另出費伍千文

懋八房 田廬

領譜一部 另出費伍千文

應老房 道塘

領譜一部 另出費伍千文

維照房 雙池頭

領譜一部 另出費伍千文

辛一房 東宅

領譜一部 另出費伍千文

成章房 山溪口


領譜一部 另出費伍千文

燕窩村 合領譜一部 另出費伍千文

君玉房 倪家路 領譜一部 另出費伍千文

文桁房 倪家路 領譜一部 另出費伍千文

德如房 廊下 領譜一部 另出費伍千文





桂津房 廊下

領譜一部 因與事有功免收其費

玉璣房 廊下

領譜一部 另出費伍千文

玉懷房 廊下

領譜一部 另出費伍千文

平三房 濟塘山頭

領譜一部 另出費伍千文

天祥房 衢山頭居孫家

領譜一部 另出費伍千文

濟源房 嶺下村

領譜一部 另出費伍千文

圓土房 山西等村

領譜一部 另出費伍千文

東山房 由山西居廟路


領譜一部 另出費伍千文

紹祖房 魯家山

領譜一部 另出費伍千文

震七房 開頭

領譜一部 另出費伍千文



震莖房 開頭

領譜一部 另出費伍千文

依仁房 開頭

領譜一部 另出費伍千文

錦全房 由開頭居東門

領譜一部 另出費伍千文


震器房 開頭

領譜一部 另出費伍千文

文錦房 由開頭居馬渚

領譜一部 另出費伍千文

印譜四十五部以上共計四十四部 又一部公局月川領



甲籍四十五時以上共指四十四時

天一號本鼠尺八尺

交檢長

由開東

餘指一

尺出費銀十文

銀指長

由開東

餘指一

尺出費銀十文

餘全長

由開東

餘指一

尺出費銀十文

餘全長

由開東

餘指一

尺出費銀十文

餘全長

由開東

餘指一

尺出費銀十文



修譜捐項

附用賬

敏三房

東屋村

合捐錢捌拾千文

繪祥房

東屋村

捐錢念千文

齒一房

東屋村

捐錢叁千文

尺齋房

東屋村

捐錢伍千文

敏六房

巡檢司

合捐錢柒千伍百文

星十房

南屋村

合捐錢拾千零伍百文

春鉉房

南屋村

捐錢柒千文

星士房


南屋汪巷蕭陽

合捐錢陸拾伍千文

周謨房

金華

合捐錢叁千叁百文



鹿鳴房

蕭陽村

合捐錢叁千文百文

建中房

蕭山二都

合捐錢拾陸千伍百文

含榮房

蕭山二都

捐錢貳千文

含發房

蕭山二都

合捐錢貳千文百文

洪庭房

汪巷村

合捐錢捌千文百文

理甫房

汪巷村

捐錢柒千文

雅林房

汪巷村

捐錢拾貳千文

星三房

下董巷南屋

合捐錢玖千文

星古房


東山村

合捐錢叁拾千文

端一房

南莊村

合捐錢伍拾千文



開儒房 南莊村

合捐錢貳千文

德瑞房 南莊村

合捐錢肆千文

端二房 陡壘村

合捐錢拾捌千叁百文

青年房 陡壘村

合捐錢拾千文

炯五房 西莊村

合捐錢叁拾肆千捌百文

子來房 紹城

合捐錢柒千壹百文

研香房 紹城

合捐錢肆拾千文

嗣鋌房 北通州


合捐 銀念貳兩 計錢叁拾陸千文

金臺房 西莊村

合捐錢貳千文

士彰房 西莊村

合捐錢叁拾千文



毛氏奕譜  
卷首下 捐項  
天恩堂

三上放言  
九首  
炯九房 虞巷村

合捐錢拾玖千伍百文

又 小里堰

合捐錢捌千壹百文

家咸房 虞巷村

合捐錢貳千文

國華房 虞巷村

捐錢叁千文

維梓房 虞巷村

合捐錢貳千文

炯士房 東莊村

合捐錢拾伍千玖百文

又 毛家橋

合捐錢柒千伍百文

懋一房 舊宅邨


合捐錢拾捌千文

懋八房 田屋村

合捐錢拾柒千壹百文

文二房 毛家橋

合捐錢肆千伍百文



文五房

由吾家橋居道塘

合捐錢參千參百文

封一房

西巷村

合捐錢拾貳千文

平六房

橫路堰

合捐錢陸百文

平八房

壽房村

合捐錢肆千捌百文

平土房

雙池頭

合捐錢壹千捌百文

平五房

雙池頭

合捐錢拾壹千柒百文

辛一房

東宅村

合捐錢拾千零貳百文

又

燕窩村

合捐錢捌拾肆千捌百文

辛二房


倪家路

合捐錢玖千參百文

錦佩房

倪家路

捐錢參千參百文





玉佩房 倪家路

捐錢壹千文

成章房 廊下村

合捐錢念肆千叁百文

鍾英房 廊下村

合捐錢壹千肆百文

萬盈房 廊下村

合捐錢叁拾壹千文

萬三房 廊下村

合捐錢念玖千文

有章房 廊下村

合捐錢伍千肆百文

顯章房 廊下村

合捐錢捌千壹百文

屢年房 廊下村


合捐錢陸拾柒千伍百文

舒泰房 廊下村

合捐錢伍拾柒千伍百文

平土房 山頭村

合捐錢拾玖千伍百文



又

由出頭  
居孫家

合捐錢叁千玖百文

開秀房

孫家

捐錢壹千肆百文

天衢房

孫家

捐錢叁千文

平芒房

觀海衛  
勝山

合捐錢貳千叁百文

平基房

史家嶺

合捐錢伍千壹百文

又

石柱村

合捐錢叁千文

平尚房

山西村

合捐錢叁千文

平大房

山西村

合捐錢伍千壹百文

又

廟路村

合捐錢柒千伍百文

又

太平橋

合捐錢肆千貳百文



又 梁家堰

合捐錢肆千伍百文

又 大屋村

合捐錢柒千貳百文

鳳慶房 廟路村

捐錢柒百文

錦榮房 由廟路居 水閣周

捐錢伍千文

錫珮房 廟路村

捐錢伍百文

懷堂房 廟路村

捐錢壹千伍百文

雙全房 廟路村

捐錢壹千文

積豪房 大屋村

捐錢貳千文

平芄房 山西村

合捐錢貳千柒百文

鼎泰房 山西村

捐錢貳千文



平夫房 廟衙村

合捐錢叁千玖百文

平基房 魯家山

合捐錢叁千玖百文

震七房 開頭村

合捐錢叁拾玖千文

廉夫房 開頭村

捐錢拾千文

震三房 開頭村

合捐錢肆拾千零伍百文

餘生房 開頭村

捐錢肆千文

佐平房 開頭村

捐錢拾貳千文

雄封房 開頭村


捐錢陸千文

警盤房 開頭村

捐錢肆拾千文

子颺房 開頭村

捐錢伍千文



錦全房 中陶頭  
居東門

捐錢拾肆千文

震器房 陶頭村

合捐錢念肆千文

筠溪房 由陶頭  
居馬渚

捐錢拾伍千文

世道房 陶頭村

捐錢念伍千文

蘭渚房 陶頭村

捐錢柒千文

以上共捐錢壹千叁百念肆千文

一付月川辛俸錢壹百念千文

一付夢九辛俸錢肆拾千文

一付詠舫辛俸錢伍拾陸千文

一付廉堂查鈔助理辛俸錢肆拾捌千文



一付鍾柵查鈔辛俸錢念貳千文

一付譜序潤筆洋銀拾元計錢拾貳千柒百文

一付稿本紙張柬帖筆墨舊譜錢拾貳千捌百玖拾文

一付刻知單序文像費并印盤銅竹格工料等錢拾壹千叁百念文

一付印譜紙墨錢壹百伍拾伍千肆百文

一付譜司工食酒費等錢叁百零叁千柒百文

一付裝訂工料酒費等錢肆拾柒千肆百文

一付譜箱工料等錢念壹千肆百文

一付廚房并局內器皿什物等錢肆千伍百文

三上... 九首... 三... 五...  
一付祭祀敘議暨與事人來往火食并雜用錢肆拾肆  
千捌百文

一付公局火食錢壹百陸拾陸千文

一付採訪寫捐收捐船工路費筭錢叁拾千零陸百文

一付收捐工食錢叁拾玖千伍百文

一付守祠人使用工食錢念貳千文

以上共付錢壹千壹百伍拾捌千貳百拾文

合譜費收捐通共計錢壹千伍百拾壹千文除付結餘

錢叁百五拾貳千柒百玖拾文充修祠公用

此外尚有未收捐錢

修祠匾額

